

钦定校正淳
化阁帖释文

佚名

文硕阁

wenshuoge.com

目录

关于我们	3
御制淳化轩记	5
提要	6
钦定重刻淳化阁帖释文卷一	7
钦定重刻淳化阁帖释文卷二	15
钦定重刻淳化阁帖释文卷三	24
钦定重刻淳化阁帖释文卷四	33
钦定重刻淳化阁帖释文卷五	41
钦定重刻淳化阁帖释文卷六	48
钦定重刻淳化阁帖释文卷七	57
钦定重刻淳化阁帖释文卷八	63
钦定重刻淳化阁帖释文卷九	72
钦定重刻淳化阁帖释文卷十	79
跋	86

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望可以帮助有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

御制淳化轩记

淳化轩何为而作也以藏重刻淳化阁帖石而作也蓋自伏滔崆峒之铭石虹尧碑之文歷代相传石刻尚焉然物有其成必有其壞世遠年湮真偽莫辨則漢唐且難得其全者無論周秦以上矣故言帖必以趙宋為猶近而宋帖必以淳化為最美重刻之由考稽之故已見于帖前之防冊后之跋茲不復記所以藏石作軒之故云石刻既成凡若干頁使散置之慮其有失也爰于長春園中含經堂之后就舊有之回廊每廊砌石若干頁恰得若干廊而帖石畢砌焉廊之中原有蘊真齋因稍移齋于其北即舊基而拓為軒事起藏帖則以帖名名之夫淳化宋太宗之紀年也為人君者即不能以唐堯虞舜為師亦當以夏甲周成為軌所謂取法乎上僅能得中耳若宋太宗始終家國之間慙德多矣吾所不取而又有何慕于淳化而以之名軒為哉

壬辰清和御筆

朕几余不自暇逸典學之忱時及臨池曩曾輯內府所藏前人墨迹刻為三希堂墨妙軒二帖廣示藝林復念古帖流傳可補墨迹所未備者惟宋淳化閣帖鑄集尤為美富遠出大觀太清樓諸本之上但惜初搨與賜者絕尠或云版尋殘損當時已為難得後來翻刻愈繁真意寢失有志追摹者末由津逮內府舊藏淳化閣帖極多而此畢士安所得賜本搨最精好爰特勅選工鈎摹上石冀復舊觀第王着昧于辨別其所排類標題舛陋滋甚不當聽其沿譌以誤後學因命于敏中等詳加考正以次呈閱候朕參定分識各卷并命搜采諸家釋文依字旁注其互異者折衷附記于后以資省覽是于考文稽古之中兼寓舉墜訂譌之益用嘉惠海內操觚之士焉特諭

乾隆三十四年二月六日御筆

提要

【臣】等谨案

钦定校正淳化阁帖释文十卷乾隆三十四年奉诏以

内府所藏宋毕士安家淳化阁帖赐本详加厘正重勒贞珉首冠以

御题寓名蕴古四字及

御题淳化轩记

命诸臣校正摹勒

谕防未载原帖旧跋及诸臣书后其中古帖次第一从旧刻而于朝代之先后名字之标题皆援证史文裁以书法碑不乖于春秋之义每卷皆防摹

御笔论防昭示权衡又参取刘次庄黄伯思姜夔施宿顾从义王防诸说而以大观太清楼诸帖互相考校凡篆籀行草皆注释文于字旁复各作订异以辨正是非别白疑似诚为墨林之极轨书苑之大观乾隆四十三年侍郎金简以石刻贮在

禁庭自

宣赐以外罕得瞻仰乃防录释文请以聚珍板摹印俾共窥八法之精微由是流布人间遂衣被于海内考张彦远法书要录末有右军书记一卷所载王羲之帖四百六十五附王献之帖十七并一一为之释文刘克庄之释阁帖盖即以是为蓝本然彦远书传写多讹克庄书至南宋间陈与义已奉勅作法帖释文刊误一卷今附刻韦续墨薮之末则克庄所释不尽足据可知第诸家虽知其有讹而辨正未能悉当通相驳诂转益多岐防逢我

皇上天纵聪明游心翰墨裁成颉籀陶铸钟王训示儒臣详为厘定书家乃得所指南是不惟临池者之幸抑亦汉晋以来能书者之至幸矣乾隆四十六年十一月防校上

总纂官【臣】纪昀【臣】陆锡熊【臣】孙士毅

总校官【臣】陆费墀

钦定重刻淳化阁帖释文卷一

歷代帝王法帖

夏后氏大禹书【旧标夏禹列卷五今从史例改题并移此】

出令聂子星纪齐春其尚节化

谨案右一帖篆书二行十二字

后汉章帝书【旧止标汉今从史例增后字】

辰宿列张盈旻海咸河淡鳞羽翔龙师火帝鸟官人皇始制文字乃服衣遐迩壹体罔谈彼短
无恃已长尺璧非尚寸阴是竞孝当竭力忠兴温若思慎终宜令学优登仕摄职从政都邑二
京背芒面洛浮渭既集坟典亦

谨案右一帖章草九行八十四字

晋武帝书

省啓知既下须防具具扬州实欲可可者比尚拟之动静更啓也数遣信还

谨案右一帖草书四行二十九字

晋元帝书【以下旧标东晋今从史例删东字】

安军未报平和之如何深可为事也

谨案右一帖草书三行十四字

八月九日睿顿首忽中秋但有远怀便微冷恒何如比殊不能佳惟勿得慰抱念及不多司马
睿顿首

谨案右一帖草书五行三十九字

晋明帝书

伏想墓次安隱守视文武平安

谨案右一帖行楷二行十二字石本不释今附録余仿此

晋康帝书

陆女郎问讯如此可筹量之

谨案右一帖行楷二行十一字今附録

晋哀帝书

不死罪死罪承中书郎君疾患比委療情以灼怛伏念垂心忧劳想得治力渐佳丕死罪死罪

谨案右一帖行楷四行三十六字今附録

晋简文帝书

昱白所示庆赐事具具此莫大之礼天下大庆得率由旧章慰答民望甚为尽善但奢则不适于时俭则陋而不典正当斟酌其宜令得会中耳

谨案右一帖行楷六行五十五字今附録

晋孝武帝书【旧误标东晋武帝今考正】

比得谯王书有欲仙语吾答之如别卿前云宜卿谯王参之于众云公书卿私书君辄从众以吾观之宁当许也想所谓尔

谨案右一帖行草五行四十七字

宋明帝书

郑脩容有兄丧今成服汝可令汝内人知之再报休祜休范二家内人知也或报

谨案右一帖行草四行三十一字

齐高帝书

吾今至破堽在路粗可寻还迟见卿不远愿信知卿深意也

谨案右一帖草书四行二十三字

梁武帝书【旧误分武帝高帝为二今并】

数朝脚气转动不得多有忧悬情也二谢处委曲复当有情故旧数有书问不可复有兴也知何时再言话报之

谨案右一帖草书五行四十三字

众军行人最今封如别曹郢州近遣樊士真领三百人犹在渔湖其应用行合应有四千人故指白萧衍疏

谨案右一帖即旧列为梁高帝书者也楷书五行四十一字今附錄

梁简文帝书

知康司马卓以水浅未时发汉源冬涸理当有访遄舟有及具意纲荅

谨案右一帖行楷四行二十七字今附錄

隋文帝书【旧列卷五第十标隋朝法帖今移改】

皇帝敬问婺州双林寺慧则法师朕尊崇圣教重兴三寶欲使一切生灵咸防福力法师舍离尘俗投志法门专心讲诵宣扬妙典精诚如此深副朕怀既利益羣生当不辞劳也犹寒道体如宜今遣使人指宣往意

谨案右一帖行楷八行八十二字今附錄

唐太宗书【旧二十三帖今并一帖移四帖入高宗书】

两度得大内书不见奴表耶耶忌欲恒死少时间忽得奴手书报娘子患忧惶一时顿解欲似死而更生今日已后但头风发信便即报耶耶若少有疾患即一一具报今得辽东消息錄状送忆奴欲死不知何计使还具耶耶勅

谨案右一帖行草十行八十七字

怀让患水边身肿复利形势极恶耶耶意多恐不济遗爱劳发大重气候似少可于豆卢亦似难差伤念不可言奴报其妇知也

谨案右一帖行草六行四十九字

使至辱书知公所苦少可慰意何言不知信复更复何似时气渐冷善将息也所请景贤公即宜留听追然后遣若无好药更遣拣择今为北边动静奉勅即行相去大近信使非遥实情欣悁耳遣无具李世民呈

谨案右一帖行草十一行八十一字

比者久婴沈疾虚弊何言昨旦临朝略无劳憊看此稍望平复未知于后何如且用慰心自怡而已昨夜痛发少觉劳弊所以不能相见若有事进勅十一日

谨案右一帖行草十行六十字

昨日来体履似渐可始闻卿不佳旦来何似勅

谨案右一帖行草三行十八字

三五日来渐望平复所以不能相见恐更劳发勅

谨案右一帖行草三行十九字

雅州只为造船急所以如此早与书莫听急贼已至方发兵恐少勅

谨案右一帖行草四行二十六字

卿与道宗谁已得多马明当至故遣问即报勅十四日

谨案右一帖行楷二行二十一字今附錄

所疾者渐可不至忧耳

谨案右一帖行楷一行九字今附錄

北边始有表至甚无事故书相报勅

谨案右一帖行草二行十四字

八柱承天乾道由其广运四维纪地坤元所以载安是知締構经纶必伫风云之佐變谐枢宇咸资川岳之灵故轩丘御展六相宣其景化妫水乘时五臣济其鸿业

谨案右一帖行草八行六十三字

数日来气发今旦服一饮子不得相见有事进状勅中书门下三品廿七日

谨案右一帖行草五行二十九字

门下中书省及侍郎给事中舍人员外郎铠曹参军左右庶子明日移营向五桥南一二里着
勅三日

谨案右一帖行草五行三十九字

数日来患痢今虽稍可犹自虚憊欲三五日将息诸司有事进状勅十一日

谨案右一帖行草五行二十九字

昨令今旦引高丽使人辞明日将来勅二日

谨案右一帖行草三行十七字

卿昨日道服蜀葵可録方将来勅廿三日

谨案右一帖行书二行十六字今附録

唱箭处只道官号及姓不唱名不知是何人想且应合唱名勅三日

谨案右一帖楷书三行二十六字今附録

五言秋日敦庾信体

岭衔霄月桂珠穿晓露丛蝉啼觉树冷萤火不温风花生圆菊蘼荷尽戏鱼通晨浦鸣飞鴈夕
渚集栖鸿防防高天吹氛澄下炽空

谨案右一帖楷书六行五十八字今附録

数年来每有征动虽复事非为已犹恐下有怨咨所以废甘泉之游履燹金之弊宁可违凉忍
暑不能适己劳民想汝诚心惟吾是念自非孝情深结孰能以此为怀省书潜然益增感念善
自将爱遣此不多哥哥勅

谨案右一帖行草九行八十二字

唐高宗书【旧八帖今归入太宗四帖】

不审夜来胸气何似想当渐散痢复断未江叔所患竟不痊除奄然逝闻问悲痛哽咽何言想叔同气之伤故当难处今故遣使往参具无委谕

谨案右一帖行草七行五十五字

叔艺韞多材慈深善诲蔼夙奉趋庭之训早擅临池之工闻其比来复爱飞白昨故戏操翰墨聊以示蔼慙六文之丽则异五际之芳词忽往来书谈饰过实顾惟菲迹非敢当仁披览循环祇以增愧故斯表意余不多云谕

谨案右一帖行草十一行八十五字

使至得所进枇杷子良深慰悦嘉果珍味独冠时新但川路既遥无劳更送今者梅炎藻夏麦气迎秋香飘兰坂之风镜转桂岩之月为善之暇想足怡神延望白云载深离绪聊疏緑字此不多申谕

谨案右一帖行草九行七十六字

太子无事欲僻洛城西门仗聴更不须覆奏勅廿三日

谨案右一帖行草三行二十一字

过午将审行 福及仓粮帐乏絶户数向衙里来勅廿五日

谨案右一帖行草三行二十三字

卿及文瓘处俊敬 午前到九干门来勅廿九日谨案右一帖楷书二行十九字今附録

钱事且莫宣出勅

谨案右一帖行楷一行七字今附録

六尚书及尚书左右承侍郎殿中将作少府司农等长官今日晚间并唤向衙里来勅至德二日

谨案右一帖行楷四行三十七字今附録

昨日令卿等平章事遣作状报何因不进勅六日谨案右一帖楷书二行十九字今附録

使至知 堂已成既得早了深以为慰不知诸作早晚总得断手日月犹賒必须牢固数日来

极热卿等捡校大应疲倦陵初料高一百一十尺今闻高一百卅尺不知此事虚实今因使还故遣相问勅十五日谨案右一帖行楷七行八十字今附錄

东都今年别税草今既不去并停常税草彼处应无用处且宜减纳即早处分勿迟勅九日

谨案右一帖行楷四行三十五字今附錄

今遣 往东都逐生气敬 已下宫臣及队仗至彼听入于文思章善等门祇承啓事进食等物并听其文思门宿衛处卿等共其相知捡校勅更不须覆奏廿六日

谨案右一帖行楷六行六十三字今附錄

阁帖第一卷首列帝王于义当矣而禹书十二字散置卷五所应表出以冠简端又隋朝法帖一则既属制词且考婺州沿革宜标文帝移入此卷至如司马懿虽其子孙追尊宣帝而谊终魏臣与晋陈三王并当改就臣列其余标题岐舛悉为订正又唐太宗帖内多阑入高宗书如江叔为太宗弟元祥藹为鲁王灵防子乃高宗从弟枇杷一帖则蒋王恽镇蜀时事东都废自武德复于显庆终贞观之世为洛阳宫正史具存皆可据以移定或以移营怀让二帖亦高宗书考永徽以后未亲武事不当有移营之勅而豆卢怀让与房遗爱皆文皇懿亲岂得以开元僧名偶同妄生疑义其章草数行乃梁周兴嗣千文中语不应后汉先有此书或亦如怀仁之集圣教序但章草着自章和以为章帝书理尚可通蓋此帖重在摹刻流传其书之真伪固无庸深论耳御识

释文订异

谨按自宋陈与义奉勅校释阁帖刘次庄刻戏鱼堂帖始附释文而施宿着大观帖总释姜防绛帖平今存六卷黄庭坚题跋间亦音注至明上海顾从义叅订诸家撰为阁帖释文考异颇称完备

内府藏陈继儒家旧搨本丹注字右

本朝罗森朱家标各有刊本最后王澐纂阁帖考正凡十卷于笔法音义采辑辨证綦详今择诸家所长就篆草各体释注行间其中或可两存或应正其非者附订如后

夏后氏大禹书节化二字释旧阙今从明李登摭古遗文补释

晋武帝省啓帖既下既字不合草法别无可考姑从顾从义释又具具从刘次庄释施宿作具之又实欲可可从王澐释刘作寒到有

晋元帝安军帖未报从顾从义释王澐作未想

中秋帖顿首下施宿重顿首二字又慰抱亦从顾释刘次庄作慰愁

宋明帝郑脩容帖或明帝名从陈与义释顾从义云一作感非

唐太宗两度帖欲恒从顾从义释施宿作欲怕非怀让帖气候从顾从义释刘次庄罗森朱家标俱作气复非 使至帖不知从顾从义释刘次庄作不足又今为亦从顾释刘作令为非又相去顾云一作相知非又欣抱亦从顾释按抱音抱怀也施宿作悦或作悒俱非又无具旧释阙今从陈继儒释顾作无乏王澍作无一俱非 雅州帖雅州从顾从义释按造船云云与史事合刘次庄作稚州或作雍州俱非又万亦从顾释罗森作一力王澍作方俱非 八柱帖之灵之字缺波今从大观帖补顾从义作下非数日帖三品从刘次庄释顾云一作六误 移营帖从大观合上作一帖又一二里从顾从义释或合作三非 数年帖潛然刻作潜然王澍云古通用字书虽无可考玩文义潛字为长潜或笔误今订正之唐高宗江叔帖具从顾从义释施宿作乙乙 艺韞帖戏操从顾从义释施宿作遽操非 枇杷帖慰悦从顾从义释一作至非又绿字亦从顾释刘次庄作缘非

乾隆三十四年歲在己

丑春二月奉

敕校正宋淳化阁帖初

搨模勒上石

【謹案第一卷共四十七帖二百二十九行一千八百四十九字】

钦定重刻淳化阁帖释文卷一

钦定重刻淳化阁帖释文卷二

上古至晋人法帖

轩辕氏史苍颉书【旧列卷五首但标名今移并从通鉴改题】

戊己甲乙居首共友所止列世式气光名左互义家受赤水尊戈矛斧芾

谨案右一帖篆书四行二十八字

孔子书【旧列卷五第三标鲁司寇称字今移并特书表异】

乌延陵封有吴君子之墓呼

谨案右一帖篆书二行十二字

秦御史下邳程邈书【旧列卷五第六但标名今移改以下皆增系爵里】

天得一以清地得一以宁神得一以灵谷得一以盈万物得一以生侯王得一以为为天下正
其致之天无以清将恐歇

谨案右一帖楷书五行四十六字今附錄

后汉济北相涿郡崔瑗书【旧列卷二第二按瑗字子玉旧误称字今移改】

贤女委顿积日治此为忧悬懣心今已极佳足下勿复忧念有信来数附书知闻以解其忧

谨案右一帖草书五行三十五字

后汉徵士 农张芝书【旧列卷二首但标名今移改 旧五帖今移四帖入张旭书】

八月九日芝白府君足下不为秋凉平善广闲弥迈想思无违前比得书不逐西行望远悬想
何日不勲捐弃漂没不当行李又去春送举丧到美阳须待伴比故遂简絶有縁复相闻飡食
自爱张芝幸幸甚甚

谨案右一帖章草六行八十字

后汉屯田都尉董祀妻陈留蔡琰书【旧列卷五第十三但标名今移改】

我生之初尚无为我生之后汉祚衰

谨案右一帖草书二行十四字

魏太傅颍川钟繇书【旧列卷二第三但标名今移改 旧六帖今移一帖入王羲之书】

尚书宣示孙权所求诏令所报所以博示逮于卿佐必冀良方出于阿是葛亮之言可择郎庙况繇始以疏贱得为前恩横所 睨公私见异爱同骨肉殊遇厚宠以至今日再世防名同国休感敢不自量窃致愚虑仍日达晨坐以待旦退思鄙浅圣意所弃则又割意不敢献闻深念天下今为已平权之委质外震神武度其拳拳无有二计高尚自疏况未见信今推款诚欲求见信实怀不自信之心亦宜待之以信而当防其未自信也其所求者不可不许许之而反不必可与求之而不许势必自絶许而不与其曲在已里语曰何以罚与以夺何以怒许不与思省所示报权疏曲折得宜神圣之虑非今臣下所能有增益昔与文若奉事先帝事有数者有似于此粗表二事以为今者形势尚当有所依违愿君思省若以在所虑可不须复完节度惟君恐不可采故不自拜表谨案右一帖楷书十八行二百九十八字今附錄

繇白昨疏还示知忧虞复深遂积疾苦何乃尔耶蓋张乐于洞庭之野鸟值而高翔鱼闻而深潜岂丝磬之响云英之奏非耶此所爱有殊所乐乃异君能审已而恕物则常无所结滞矣钟繇白

谨案右一帖楷书六行七十四字今附錄

白骑遂内书不俟车驾计吴人权道情怀急切当以时月待取伏罪之言蓋不以疑相府小緣心吞若八九

谨案右一帖楷书四行四十一字今附錄

弟常患常羸顿遇寒进口物多少新妇动止仰人谨案右一帖行楷二行十九字今附錄

十二日繇白雪寒想胜常得张侯书贤从帷帳之悼甚哀伤不可言疾患自宜量力不复具繇白

谨案右一帖行楷四行三十七字今附錄

魏太傅河内司马懿书【旧列卷一第三标西晋宣帝今移改】

之白阿史病转差未皆列曹尚书之白书法

谨案右一帖草书二行十七字

吴侍中广陵皇象书【旧列卷二第四标青州刺史今移改】

文武将队乃俾俊臣整我皇纲董此不防古君子即戎忘身昭其果毅尚其桓桓师尚七十气冠三军诗人作歌如鹰如鹞天有泰一五将三门地

谨案右一帖草书六行五十六字

臣象言顽闇容薄加以年老凡百乖秽无所中宜特防哀伤殊异之遇安感骑乘之懽游息之燕淳和足使忘躯命荣观足以光心膂延望翘翘念在效报而萧走垂须终何才力以荅新恩唯尚有借近赵走文过首贫尚寻天恩智方当私成无往顔爱自弥文唯

谨案右一帖草草九行一百字

晋齐王攸书【旧列卷三第十标侍中司马攸今移改】

攸惶恐顿首顿首望近未得谕承以为委积比已秋风不审尊体何如冀行得禀受首顿首

谨案右一帖行楷四行三十五字今附録

晋防稽王道子书【旧列卷一第九标东晋文孝王今移改】

异暑复何如向见钦云卿小苦疟不乃以为患治之不遣不悉司马道子白

谨案右一帖行楷三行二十九字今附録

晋特进京兆杜预书【旧列卷三第四标侍中今移改】

十一月十四日预顿首歳忽已终别久益兼其劳道远书问又简间得来况知消息申省次若言面

谨案右一帖草书五行三十八字

亲故数移转想祖父白具云也祖父如足下来言小大云具孤女亲亲也有信数附书信以慰吾心也

谨案右一帖草书四行三十九字

晋太保河东衛瓘书【旧列卷二第十六标尚书令今移改】

顿州民衛瓘惶恐死罪中阙音敬望想想怀在外累年始尔得还情甚踊跃且至卅里上须节度明日乃入奉說欣承福祚自白不具瓘惶恐死罪

谨案右一帖草书六行五十六字

晋司空范阳张华书【旧列卷二第五标丞相今移改】

得书为慰仆诸愆疾已甚薨西卧归还乃悉比将念反不具张华呈

谨案右一帖草书四行二十六字

晋司徒河内山涛书【旧列卷三第二十五标太守今移改】

侍中尚书仆射奉车都尉新防伯臣涛言臣近啓崔谅史曜陈准可补吏部郎诏书可尔此三人皆众论所称谅尤质止少华可似敦教虽大化未可仓卒风尚所劝为益者多臣以为宜先用谅谨随事以闻谨案右一帖行楷八行七十九字今附録

晋后将军焄煌索靖书【旧列卷三第十六标征西司马今移改】

载妖防遏臧灾咄莫告咎臯陶惟土绳罪报鞫按城据端裁割辜戮羞屈愬谩逆曲归想辍寂鬪争念复鞀鼓肆陈爱曰于予琴瑟以咏歌其命禽爵翔荣兽乃起舞声翳丽城越动飞走脉土防农姬弃掌稷

谨案右一帖章草八行七十九字

七月廿六日具书靖白虽数相闻不解劳倦信至得书悉知弃云宅及计来东言展有期索靖白

谨案右一帖章草四行三十七字

晋中书侍郎吴郡陆云书【旧列卷三第二十二但标名今移改】

三月十六日云白春节余不适得示知足下平安为思面未知何由如何信数之及乡既清邃可与经高言人钦之当令征南取之也

谨案右一帖草书五行五十一字

晋黄门郎河东衛恒书【旧列卷二第十七今移】

一日有恨知问未面为叹欲七日云耶恒白

谨案右一帖草书二行十七字

晋太傅琅琊王导书【旧列卷二第七标丞相今移改】

省示具卿辛酸之至吾守忧劳卿此事亦不彊忘然书足下所欲致身处尚在殿中王制正自欲不得许卿当如何导亦天明往

谨案右一帖草书八行四十九字

导白改朔情增伤感湿蒸自何如颇小觉损不帖有应不悬耿连哀劳满闷不具王导

谨案右一帖草书五行三十三字

晋荆州刺史琅琊王虞书【旧列卷二第十二标侍中今移改】

廿四日虞白唯久白想适妙来行未面迟想得示知同云冀何生相见近及不多王虞白

谨案右一帖草书四行三十四字

臣虞言臣祥除以复五日穷思永远肝心寸截甘雪应时严寒奉被手诏伏承圣体御膳胜常以慰下情臣故患匈满气上顿乏勿勿慈恩垂愍每见慰问感戴屏营不胜衔遇谨表陈闻臣虞诚惶顿首顿首死罪死罪

谨案右一帖行楷六行八十三字今附録

臣虞言昨表不宣奉赐手诏伏承圣体胜常以慰下情不审宿昔复何如承郑夫人乃尔委顿今复增损伏惟哀亡愍存益劳圣心谨附承动静臣虞言谨案右一帖行楷四行五十八字今附録

七月十三日告籍之等近日遣王秋书不具月行复半念汝独思不可堪居奈何奈何雨凉不审

谨案右一帖草书三行三十七字

防何如汝所患遂差未悬心不可言阿母防恩上下悉佳宜可行浼症如复断要取未断愁人宜复具日发与别惘惘不可言今遣使未北反书不具自防会日消息虞疏

谨案右一帖草书六行六十五字

晋尚书左仆射琅琊王遂书【旧列卷三第二十三标海陵恭侯今移改】

寒佳不张丞防事云何是良对足下可时令知女决也王遂白

谨案右一帖草书三行二十四字

晋标骑将军丹阳纪瞻书【旧列卷三第十九标车骑将军瞻误贍今移改】

瞻白昨信来永携今逞又贫家无以将意今粉二斗少香所谓物微意全者也力书不多纪瞻顿首

谨案右一帖草书四行三十八字

晋太尉高平郗鉴书【旧列卷二第十三标太宰今移改】

鉴顿首顿首灾祸无常奄承遘难念孝性攀慕兼剥不可堪胜奈何奈何望远未縁叙苦以增酸楚鉴顿首顿首

谨案右一帖行楷五行四十三字今附録

晋右衛将军琅琊刘超书【旧列卷三第六但标名今移改】

超死罪白如命皆令有本末保任然后受随宜分处谨白

谨案右一帖行楷三行二十二字今附録

晋尚书令济阴卞壶书【旧列卷三第二十六标侍中壶误壶今移改】

足下佳不朝将中郎上获诸诚文墨至便在舍事许改爱子纸下物知此草勿令一人见也吾今勅书事令不发亟付卿发发便密令人防之壶白

谨案右一帖草书六行五十六字

晋司徒颍川庾亮书【旧列卷三首标太尉按亮字元规旧误作庾元亮今移改】

亮白奉告书稍先为媿子作辄先以奉之研今作之支发枕今作无作模若有可权付之亮再拜

谨案右一帖行草五行三十七字

晋征西将军颍川庾翼书【旧列卷三第二标车骑将军今移改】

故吏从事中郎庾翼参军事刘遐死罪白昨所啓庞遗孟 所请求述上事事须捡按谘论光
驾当出请不从诣録事中郎共详处别白谨啓翼遐死罪死罪谨案右一帖行楷七行六十字
今附録

已向季春感慕兼伤情不自任奈何奈何温和足下何如吾哀劳何赖爱防时不足下顷气力
熟若别时

谨案右一帖行草五行四十字

晋太傅陈郡谢安书【旧列卷二第十八今移】

安顿首顿首每念君一旦知穷烦冤号慕触事崩踊寻绎荼毒岂可为心奈何奈何临书凄闷
安顿首顿首

谨案右一帖行草四行四十一字

六月廿日具记道民安惶恐言此月向终惟祥变在近号慕崩恸烦冤深酷不可居处比奉十
七十八日二告承故不和甚驰灼大热尊体复何如谨白记不具谢安惶恐再拜

谨案右一帖行草六行六十七字

晋散骑常侍陈郡谢万书【旧列卷二第十九今移】

七月十日万告朗等便流火感伤兼切不自胜奈何奈何转凉汝等各可可知近闻邑邑吾涉
道动下疹乏劣力及不具告父疏

谨案右一帖行草六行四十九字

王着编次自二卷以下以名臣古帖分类比附既不伦且昧于论世知人前后率多踳误如张
芝崔瑗开帖便已倒置蔡琰同是后汉而独标古帖晋氏二王道子则上跻诸帝桃符则下杂
羣僚衛瓘杜预为泰始佐命张华索靖陆云皆渡江前人而编厕晋中叶诸家至庾亮纪瞻卞
壶名字并舛且或仅标名或兼称地亦无一定体例大观虽加更正仍有未尽今悉按时世移
定于卷前总标某朝至某朝人帖并于诸人详系爵里附注考订首列苍颉用志六法权輿
司马懿于钟繇以严臣分先诸王而殿列女则从史例焉至各帖中传仿傳会固所不免而米
芾黄伯思指为伪帖者亦过事吹求兹就确有可据者悉为移改余概仍厥旧蓋古手钩摹下

真迹一等亦足裨益临池无事断断聚讼耳又别本钟繇书内有戎路表一帖笔意輒钝与董其昌所称唐搨单行者殊不类其为伪托无疑且词义亦不足取更何必因李日华之言从而附益之耶御识

释文订异

苍颉书释旧阙今从宋杨信文钟鼎篆韵补释孔子书陵封邑三字释旧阙今从摭古遗文补释此帖疑有错简

张芝书不为从顾从义释刘次庄作所为陈与义作不日又捐弃亦从顾释黄庭坚捐作指刘弃作业俱非

蔡琰书汉祚从姜防释刘次庄作祀非

司马懿书列曹从王澍释顾从义作外曹非又之白亦从澍释顾作云得刘次庄作之得俱非

皇象文武帖忘身从后汉书高彪传释忘顾从义作是刘次庄施宿作从俱非 骑乘帖并从顾从义释容薄黄庭坚作空荡中宜黄作闻宜躯黄作俭荣黄作里过首施宿作过省俱非

杜预道远帖来况从顾从义释刘次庄作来说 移转帖孤女从顾从义释刘次庄作絶汝非

卫瓘书顿下顾从义云当有首字存考又想怀从顾释刘次庄作夜怀一作报怀俱非又且至亦从顾释一作旦望非又须亦从顾释一作领非又自白从王澍释顾云当作得非按帖内跃字疑有阙损

张华书已甚已字不合草法疑有阙损施宿并二字作欲亦未确姑从顾从义释又反从顾释施作及非又呈从施释顾云一作顿首

索靖臯陶帖遏从王澍释顾从义作过非又端诸家释作号按草法与智永千文端字同因改又于予从顾释一作争非又翔荣亦从顾释或作集作巢俱非又起舞从刘次庄释施宿作歌顾作鼓俱非又防从澍释顾作处非又弃从顾释或作业非
廿六日帖信至从姜防释施宿作信具非

陆云书春节从姜防释或作丧非又及乡可与钦之并从王澍释顾从义作及卿作可之作叹之俱非王导省示帖示从顾从义释一作不非又至亦从顾释黄庭坚作言一作意俱非又吾守刘次庄施宿作甚与草法不合姑从王澍释顾作虑非又忘从顾释黄作忌非又殿中从黄释刘作穀大观摹作寇俱非导白帖烝从姜防释顾从义云一作恶非又自从顾释一作日非又不悬不字与草法亦不甚合诸家释并同姑从之

王廙廿四日帖同云从施宿释顾从义作因云非七月帖等从姜防释王澍作寺草法虽合义难通又不具从顾从义释姜作言一作乙乙俱非又月行从刘次庄释顾作侧一作何俱非又独思从姜释顾云一作 非又审从施宿释姜作差顾作佳俱非大观合下防何如作一帖刘姜分症如复断别作一帖大观为优今分行仍从旧 防何如帖宜从姜防释一作闻一作宣俱非又泻诸家释并阙顾从义云疑作泻与草法不甚合然无可考姑从之又症从姜释顾作疾又北反何焯合二字作发与他发字不类今从姜释大观摹作北及非又不具自防从王澍释顾作不足白复非又会从顾释一作言非按帖内消字有阙损

纪瞻书永携诸家释并阙顾从义云疑作永携与草法不甚合义亦难解姑从之存以俟考又今逞从顾释姜防作今葢一作送并存参又所谓亦从顾释陈与义作须非

卞壺书将中从王澍释姜防作北中顾从义作比中又不发从姜释顾云案笔法作友非又房姜作防云房防古通用从之刘次庄作传非

庾亮书四作字俱从姜防释施宿以第三为注第四为治俱非

庾翼书顷从姜防释顾从义作须非

谢安每念帖知穷从姜防释王澍云当作哀穷谢万书可可从顾从义释大观摹作可之非

乾隆三十四年歲在己

丑春二月奉

勅校正宋淳化阁帖初

榻模勒上石

【謹案第二卷共四十三帖二百十八行二千一百七十九字】

钦定重刻淳化阁帖释文卷二

钦定重刻淳化阁帖释文卷三

晋人法帖

晋右军将军琅琊王羲之书【旧列卷六但标名今移改旧五十九帖今移一帖入卷五】

适得书知足下问吾欲中治甚愤愤向宅上静佳眠都不知足下来门甚无意恨不覩面王羲之

谨案右一帖草书五行三十七字

知欲东先期共至谢奕处云何欲行想忘耳过此如命

谨案右一帖草书三行二十一字

差凉君可不今日寔顾不迟面力知问王羲之

谨案右一帖草书三行十八字

比奉对对兄以释岂一

谨案右一帖草书二行九字

汝不可言未知集聚日但有慨叹各慎防前与防试求屏风遂不得兹为也

谨案右一帖草书六行二十九字

奄至此祸情愿不遂缅然永絶痛之深至情不能已况汝岂可胜任奈何奈何无由叙哀悲酸

谨案右一帖草书五行三十六字

日月如驰防弃背再周去月穆松大祥奉瞻廓然永惟悲摧情如切割汝亦增慕省疏酸感

谨案右一帖草书五行三十五字

兄灵柩垂至永惟崩慕痛贯心膂痛当奈何计

谨案右一帖草书三行十八字

慈顏幽翳垂卅年而吾勿勿不知堪临始终不发言哽絕当复奈何吾顷至勿勿比加下

谨案右一帖草书五行三十四字

省别具足下小大问为慰多分张念足下悬情武昌诸子亦多远宦足下兼怀并数问不老妇
顷疾笃救命恒忧虑余粗平安知足下情至

谨案右一帖草书六行五十三字

旦夕都邑动静清和想足下使还具时州将桓公告慰情企足下数使命也谢无奕外任数书
问无他仁祖日往言寻悲酸如何可言

谨案右一帖草书五行五十一字

伏想防安和自下悉佳松上下至乖隔十八年复得一集且悲且慰何物喻防疾至笃忧怀甚
深穆松难为情地自至犹小差然故勿勿冀得凉渐利耳

谨案右一帖草书九行五十八字

诸从并数有问粗平安惟修载在远音问不数悬情司州疾笃不果西公私可恨足下所云皆
尽事势吾无间然诸问想足下别具不复一

谨案右一帖草书五行五十四字

此诸贤粗可时见省甚为简阔远顷异多小患而吾疾笃不得数为叹耳

谨案右一帖草书三行二十八字

宰相安和殷生无恙时面兄当宣兄怀

谨案右一帖草书三行十五字

噉豆鼠伤如佳今送能噉不

谨案右一帖草书二行十一字

得足下旃 胡桃药二种知足下至戎盐乃要也是服食所须知足下谓须服食方回近之未
许吾此志知我者希此有成言无缘见卿以当一笑

谨案右一帖草书六行五十六字

秋中感怀异雨冷足下各可可耳胛风遂欲成患甚忧之力知问王羲之顿首

谨案右一帖草书三行三十字

又不能不痛熙存亡政尔复何于求之度政当求之内事余理不絕求之一条当有冀不信罔然前涂愿具诲之以悟其心

谨案右一帖草书六行四十七字

疾不退潜损亦当日深岂可以常理待之此岂常忧不审食复何如云肌色可可所堪转胜复以此慰驰竦耳

谨案右一帖草书五行四十二字

吾有七儿一女皆同生婚娶以毕惟一小者尚未婚耳过此一婚便得至彼今内外孙有十六人足慰目前足下情至委曲故具示

谨案右一帖草书五行五十字

省足下别疏具彼土山川诸奇扬雄蜀都左太冲三都殊为不备悉彼故为多奇益令其游目意足也可得果当告卿求迎少人足耳至时示意迟此期真以日为岁想足下镇彼土未有动理耳要欲及卿在彼登汶领峨眉而旋实不朽之盛事但言此心以驰于彼矣

谨案右一帖草书十一行一百二字

云谯周有孙高尚不出今为所在其人有以副此志不令人依依足下具示严君平司马相如扬子云皆有后不

谨案右一帖草书五行四十三字

夫人遂善平康也足下各可不冀行复面王羲之顿首

谨案右一帖草书三行二十一字

想小大悉佳蔡家賓至君情感益深唯当拨遣之耳

谨案右一帖草书三行二十字

知足下散势小差此慰无以为喻云气力故尔复以悒悒想散患得差余当以渐消息耳

谨案右一帖草书四行三十四字

吾顷无一日佳衰老之弊日至夏不得有所嗽而犹有劳务甚劣劣

谨案右一帖草书四行二十六字

昨得熙廿六日书云患气悬情

谨案右一帖草书二行十二字

知足下连不快何尔耿耿善将适吾积羸困而下积日不断情虑尚深殊乏自力不能悉

谨案右一帖草书四行三十四字

小佳更致问一一适脩载书平安

谨案右一帖草书二行十三字

羲之白奉告慰反侧伏想比安和伯熊过见之悲酸大都可耳惟垂心羲之平平一日白以具

谨案右一帖草书四行三十六字

羲之白送此鲤鱼征与敬耶不在不乃邑邑不

谨案右一帖草书二行十八字

月半哀悼兼至奈何奈何得告承复下悬耿至勿勿愿不具王羲之再拜

谨案右一帖草书三行二十八字

今遣乡里人往口具也

谨案右一帖草书一行九字

廿二日羲之报近得书即日又得永兴书甚慰想在道可耳吾疾故尔沈滞忧悴解日面近不具羲之报

谨案右一帖草书五行四十字

四月廿三日羲之顿首昨书不悉君可不肿剧忧之力遣不具

谨案右一帖草书三行二十四字

羲之顿首阔别稍久眷与时长寒严足下何如想清豫耳披怀之暇复何致乐诸贤从就理当不疎吾之朽疾日就羸顿加复风劳诸无意赖促膝未近东望慨然所冀日月易得还期非远耳深敬宜音问在数遇信恣遽万不一陈

谨案右一帖草书九行八十八字

旦极寒得示承夫人复小欸不善得眠助反侧想小尔复进何药念足下犹悚息卿可不吾昨暮复大吐小噉物便尔旦来可耳知足下念王羲之顿首

谨案右一帖行书六行五十八字

卿与虞休意书有所问足下防为致诚答令旨意致来勿忘此意自决今以资严知小大疾患念劳心

谨案右一帖草书五行三十九字

四月五日羲之报建安灵柩至慈荫幽絶垂卅年永惟慕痛澈五内永酷奈何无由言苦临纸摧哽羲之报

谨案右一帖行书四行四十一字

吾昨得一日一起腹中极调适无所为忧但顾情不可言耳

谨案右一帖草书三行二十三字

侍中书书徐侯遂危笃恐无复冀深令人反侧

谨案右一帖草书三行十八字

敬豫乃成委顿令人深忧

谨案右一帖草书二行十字

适知十五日问清和为慰复得南后问不想二庾速王之始兴奴长就令人邑邑想无所至耳还具示问

谨案右一帖草书五行四十字

追寻伤悼但有痛心当奈何奈何得告慰之吾昨频哀感便欲不自胜举旦复服散行之益顿乏推理皆如足下所海然吾老矣余愿未尽惟在子辈耳一旦哭之垂尽之年将无复理此当何益冀小却渐消散耳省卿书但有酸塞足下念顾言散所豁多也王羲之顿首

谨案右一帖行草十一行一百三字

不得临川问悬心不可言子嵩之子来数有使冀因得问示之

谨案右一帖草书三行二十四字

得袁二谢书具为慰袁生薨至都已还未此生至到之怀吾所也

谨案右一帖草书三行二十五字

想小大皆佳知宾犹尔耿耿想得夏节佳也念君劳心贤姊大都转差然故有时呕食不已至足言年衰疾久亦非可仓卒大都转差为慰以大近不复服散常将陟厘也此药为益如君告

谨案右一帖草书八行七十二字

适太常司州领军诸人廿五六书皆佳司州以为平复此庆庆可言余亲亲皆佳大奴以还吴也冀或见之

谨案右一帖草书五行四十一字

司州供给寥落去无期也不果者公私之望无理或复是福得大等书慰心今因书也野数言疏平安定太宰中郎

谨案右一帖草书六行四十四字

近因得里人书想至知故面肿耿耿今差不吾比日食意如差而髀中故不差以此为至患至不可劳力数字令弟知问耳

谨案右一帖草书六行四十七字

疾患差也念忧劳王羲之顿首

谨案右一帖草书二行十二字

想弟必有过理得暫写怀若此不果复斯欲难冀临书多叹吾不复堪事比成此书便大顿

谨案右一帖草书五行三十五字

廿日羲之顿首节日感叹深念君增伤灾雨君可也

谨案右一帖草书三行二十字

仆可耳力数字王羲之顿首

谨案右一帖草书二行十一字

定听他母子哀此遂不还可令未也

谨案右一帖草书二行十四字

适重熙书如此果尔乃甚可忧张平不立势向河南者不知诸侯何以当之熙表故未出不說
說荀侯疾患想当转佳耳若熙得勉此一役当可言浅见实不见今时兵任可处理

谨案右一帖草书八行六十八字

二谢在此近终日不同同此叹恨不得方回知爽后问令人怛怛

谨案右一帖草书三行二十五字

逸少书为古今之冠子敬绍美家声阁帖别次二王义亦有取然琅琊王氏入帖者十六人考其谱系导敦虞为一行羲之洽劭恬为一行凝之徽之操之涣之献之珣珉廌为一行循则羣从别出者也旧所编次不依行辈于理未协今悉按其世次排类使之伦叙秩然至卷中譙周帖校大观及十七帖六十帖诸本缺为所在以下十字今依大观摹补又帖内有上下笔势连属原刻分行隔断者亦为移置期不失临池本意其行成一帖乃贾曾送张說赴朔方序见于唐文粹蓋辑右军字成文者因改编第五卷末俾真迹集书不相淆混若临川帖中子嵩黄伯思谓是庾数字数与右军不同时姜防谓此言其子意似以为无碍但右军既不识子嵩何不直言其子名而上溯其父字且引右军尝为临川作据理亦未安无怪启人訾议然王帖中米芾所指为伪托者颇多而又不能明斥为出自何人之手则亦存而弗论可耳御识

释文订异

王羲之适得帖中治从顾从义释王澍云当是中冷非又愤愤亦从顾释刘次庄作怏怏又来
门从王澍释顾作来一非 欲东帖奕字诸家释作欲玩草法文义俱不合按谢奕为安西司马
羲之旦夕帖亦及之帖盖指其人因改又云何从顾从义释一作之何非

奉对帖对对从顾从义释又兄以黄庭坚释作兄比按此帖疑有脱误

汝不帖前与从顾从义释王澍云当作前云非

日月帖疏字诸家释并同文义则安而草法不合或是疾书笔误

伏想帖何物从陈与义释刘次庄作指非又渐利从顾从义释施宿作和 诸从帖一一从唐张
彦远释彦远集羲献帖语为二王书录在诸家音释之前颇为可据因酌从之

诸贤帖阔从顾从义释一作理非又远顷从王澍释顾作须非

旃 帖谓须从张彦远释谓顾从义作得须施宿作顷俱非

秋中帖脾从陈与义释刘次庄作脾非 前涂帖存从施宿释姜防作荐义尚可通刘次庄作孝
非又二政字顾从义云俱当作正逸少祖名正故以政代之也 驰竦帖肌从王澍释顾从义作
饥非又竦从施宿释刘次庄作疏非七儿帖以毕从陈与义释按以与已通凡当作已

者俱仿此

彼土帖求迎从张彦远释顾从义作进非又以日诸家释并同玩笔法似是比字存考 散势帖
悒从顾从义释或作胡非王澍疑是灼尚可通昨得帖悬情诸家释并同按悬字与草法不合
然

别无可考姑仍之 奉告帖以具从施宿释顾从义作比具 鲤鱼帖征借作 用与鯖同

月半帖悼诸家释并同王澍云当作忤非 乡里帖口具从顾从义释王澍云当作一一非

虞休帖患从顾从义释玩草法殊不类王澍云当作连亦未确

建安帖苦从顾从义释张彦远作告刘次庄作昔一作发并非

一起帖昨从顾从义释朱家标作闻非又顾情亦从顾释刘次庄作愿或作欣皆非 侍中帖书
书诸家释并同王澍云古帖凡带下一 皆作白存考又徐侯从顾从义释澍云当作涂侯亦
无可据 敬豫帖豫从施宿释刘次庄作豫陈与义作像俱非清和帖适知从施宿释又二庾从
顾从义释陈与义作庚一作康俱非又速王亦从顾释按明张溥刻右军集以速王之始兴为
句义尚可通速或作建王或作至非 追寻帖酸塞从顾从义释刘次庄施宿作毁非

临川帖川从顾从义释一作小非 袁生帖还未顾从义云未字不出头当是乐字非又吾所也
从姜防释姜云所也之间当别有一字存考顾云吾疑作无非

知宾帖不已及仓卒并从顾从义释玩已字仓字草法俱不甚合当是钩摹之失

太常帖领军从张彦远释刘次庄作镇非又以还亦从张释或作比非

里人帖得从张彦远释一作乡非又髀中从刘次庄释顾从义作骭

想弟帖不果复从刘次庄释施宿作役非又斯欲从王澍释顾从义作期欲

节日帖雨从顾从义释一作两非 仆可帖仆从顾从义释米芾作余一作深俱非

重熙帖得勉从张彦远释得顾从义作自陈与义作目俱非勉即免字 二谢帖同同从施宿释
刘次庄作同之非又爽从王澍释顾从义作春义可通而草法不合施作幸幸非

乾隆三十四年歲在己

丑春二月奉

勅校正宋淳化閣帖初

搨模勒上石

【謹案第三卷共五十八帖二百五十五行二千五十字】

欽定重刻淳化閣帖釋文卷三

钦定重刻淳化阁帖释文卷四

晋人法帖

晋右军将军琅琊王羲之书【旧列卷七今移改旧五十三帖今删一帖移一帖入卷九自卷二归入一帖】

七月一日羲之白忽然秋月但有感叹信反得去月七日书知足下故羸疾问触暑远涉忧卿不可言吾故羸乏力不具王羲之白

谨案右一帖草书六行五十字

得都下九日书见桓公当阳去月九日书久当至洛但运迟可忧耳蔡公遂委笃又加防下日数十行深可忧虑得仁祖廿六日问疾更委笃深可忧当今人物眇然而艰疾若此令人短气

谨案右一帖草书八行七十二字

谢光禄亦垂命可忧念念一朝奄忽伤人怀今年雕落可哀叹

谨案右一帖草书三行二十四字

徂暑感怀深得书知足下故顿乏食差不耿耿吾故尔耳未果为结力不具王羲之

谨案右一帖草书三行三十二字

月半念足下穷思深至不可居忍雨湿体气各何如参军得针灸力不甚悬情当深寛割晴通省苦遣不具王羲之白

谨案右一帖草书五行四十五字

长素差不悬耿小大佳也得敬豫九日问故进退忧之深

谨案右一帖草书三行二十二字

知念许君与足下意政同但今非致言地甚勅勅亦不知范生以居职未以卿示辄便及之吾尚不能惜小节目但一开无解已又亦终无能为益适足为烦渎足下呼尔不

谨案右一帖草书六行六十六字

每念长风不可居忍昨得其书既毁顿又复壮温深可忧

谨案右一帖草书三行二十二字

得长风书灵柩幽隔卅年心想平昔痛慕崩絕岂可居处抽裂不能自胜谢书已具日安厝即其情事长毕奈何松等陨恻哀情顿泄亦难可言郗还未卜聊示友中郎相忧不去心感远怀近增伤惋每见范母子哀号使人情悲

谨案右一帖行草九行八十七字

初月二日羲之顿首忽然今年感兼伤痛切心奈何奈何念君哀穷不已羲之皇恐

谨案右一帖草书四行三十二字

足下时事少可数来主人相寻下官吏不东西未委若为言叙乖足下不返重遣信往问愿知心素

谨案右一帖草书四行三十八字

吾怪足下参朝少晚不审有何事情致使如然也王羲之再拜

谨案右一帖草书三行二十四字

前从洛至此未及就彼参承愿夫子勿悒悒矣当日縁明府共饮遂阙问愿足下莫见责羲之顿首

谨案右一帖草书四行三十八字

十一月廿七日羲之报得十四十八日二书知问为慰寒切比各佳不念忧劳久悬情吾食至少劣劣力因谢司马书不具羲之报

谨案右一帖草书五行五十字

十月七日羲之报前过足下所得其书想殊有劳弊然叔兄子孙有数人足慰目前情至取答委曲故具示可令必达以副此志且山川甚有形势远想慨然又出药精要有验信比可致当大惠也从弟分别吾深忧虑卿女轸轲想何可处差充喜言不多耳羲之

谨案右一帖草书十一行一百字

皇象草草旨信送之勿三当付良信

谨案右一帖草书二行十四字

远妇疾犹尔其余可耳今取书付想具

谨案右一帖草书二行十五字

阮生何如此粗平安数絶问为慰

谨案右一帖草书二行十三字

羲之白君晚可不想比果力不具王羲之

谨案右一帖草书二行十六字

得远嘉兴书计今日必度喜迟可言足下至慰今有书想足下有防信别告具之

谨案右一帖草书四行三十一字

云足下尚停数日半百余武瞻望不得一见卿此何可言足下疾苦晴便大热如恒中至不易
可得过夏不甚忧卿还具示问

谨案右一帖草书五行四十八字

得告承长平未佳善得适适君如常也知有患苦耿耿念劳心食少劳甚顿还白不具王羲之
再拜

谨案右一帖草书四行三十八字

足下小大佳也诸疾苦忧劳非一如何复得都下近问不吾得敬和廿三日书无他重熙住定
为善谢二侯

谨案右一帖草书四行四十一字

省飞白乃致佳造次寻之乃欲穷本无论小进也称此将青于蓝

谨案右一帖草书三行二十五字

知比得丹杨书甚慰乖离之叹当复可言寻答其书足下反事复行便为索然良不可言此亦分耳迟面具

谨案右一帖草书五行四十一字

太常故患胛灸俞体中可可耳仆射事已行以表让未知恕不未复司州旨告悬竦鄱阳歳使应有书而未得

谨案右一帖草书五行四十二字

向亦得万书委曲备悉使人慨然见足下乃悉知叔虎尅昨发月半略必至未见劳参军

谨案右一帖草书四行三十四字

热日更甚得书知足下不堪之同此无赖早且乘凉行欲往迟散也王羲之

谨案右一帖草书三行二十九字

知贤室委顿何以便尔甚助耿耿念劳心知得廿四问亦得叔虎廿二日书云新年乃得发安石昨必欲尅潘家欲尅廿五日也足下以语张令未前所经由足下近如似欲见今送

谨案右一帖草书六行六十九字

七月六日羲之白多日不知问邑邑得二日书知足下昨问耿耿今已佳也

谨案右一帖草书三行二十九字

期已至迟还具足下问耳当力东冶道家无缘省苦但有悲慨不得东此月问

谨案右一帖草书四行三十字

信云舍子别送乃是北方物也何以欲此欲几许致此四帋飞白以为何似能学不

谨案右一帖草书四行三十二字

月末必往迟见君无以为喻

谨案右一帖草书二行十一字

乡里人择药有发梦而得此药者足下岂识之不乃云服之令人仙不知谁能试者形色故小异莫即常见者谢二侯

谨案右一帖草书五行四十五字

昨见君欢复无喻然未善悉想宿昔可耳胁中云何一善消息德周转胜也耿耿疾患小差与远俱诣迟共写怀王羲之

谨案右一帖草书五行四十七字

雪候既不已寒甚盛冬平可苦患足下亦当不堪之转复知问王羲之

谨案右一帖草书三行二十七字

知远比当造顷迟见此子真以日为岁足下得审问防令吾

谨案右一帖草书三行二十三字

荀侯佳不未果就卿深企怀耳安好音信那云愚得归洛也计介解有悬休寻

谨案右一帖草书五行三十字

知君当有分住者念处穷毒而复分乖尚可居情想反理断当

谨案右一帖草书三行二十四字

旦反想至所苦晚差不耿耿仆脚中不堪沈阴重痛不可言不知何以治之忧深力不具王羲之顿首

谨案右一帖草书四行三十九字

深以自慰理有大断其思豁之令尽足下勿乃忧之足下殊当忧吾故具示问

谨案右一帖行草四行三十字

晚复毒热想足下所苦并以佳犹耿耿吾至顿劣冀凉言散力知问王羲之顿首

谨案右一帖行草三行三十一字

足下家极知无可将接为雨遂乃不复更诸弟兄问疾深防之不具羲之白耳

谨案右一帖行草四行三十字

仆近修小园子殊佳致果杂药深可致怀也傥因行往希见比二处动静故故常患驰情散骑
痛转利庆慰姊故诸恶及比永嘉慰奉集欣熹无喻余可耳得华直疏故尔诸恶不差悬忧顺
何似未复庆等近消息悬心君并何为耶此犹未得尽集理行大尅迟此无喻

谨案右一帖草书十五行一百二字

龙保等平安也谢之甚迟见之

谨案右一帖草书二行十二字

知足下行至吴念违离不可居叔当西耶迟知问

谨案右一帖草书二行十九字

知彼清晏岁丰又所使有无无乡故是名处且山川形势乃尔何可以不游目

谨案右一帖草书四行三十字

朱处仁今所在往得其书信遂不取答今因足下答其书可令必达

谨案右一帖草书三行二十六字

吾服食久犹为劣劣大都比之年时为复可可足下保爱为上临书但有惆怅

谨案右一帖草书三行三十字

彼盐井火井皆有不足下目见不为欲广异闻具示

谨案右一帖草书三行二十字

足年今年政七十耶知体气常佳此大庆也想复懃加颐养吾年垂耳顺推之人理得尔以为
厚幸但恐前路转欲逼耳以尔要欲一游目汶领非复常言足下但当保防以俟此期勿谓虚
言得果此縁一段奇事也

谨案右一帖草书九行八十二字

唐贞观内本十七帖最为烜赫著名张彦远帖录载二十二则今内府所藏宋搨本乃三十则而南宋修内司本又为二十八则黄伯思为南唐澄心堂十七帖二十七则且云王着摹以入石兹阅阁帖羲之书与十七帖同者凡十有五此卷末得七帖而舛谬殊甚虽不可居之上行八字误置服食帖末复脱服食帖首两行二十一字不审着当时按帖钩钐何率略纒错乃尔大观虽曾增改而结字别成机杼与原帖不侔今悉依宋搨十七帖摹补至龙保帖阙卿勇可耳至为简隔也九字而未有之字则尚可成文因仍其旧盖考证确有据依自应订正若彼此互异有不妨两存传信传疑论古之道当如是耳至长风一帖旧列钟繇而体殊不类伯思谓是逸少早年书考此卷亦有长风帖帖录别有长风尽平安语则长风自属逸少时人洵宜改以相次其谢生帖重见后卷笔法无一不合惟在山句多一下字删此存彼贵有权衡固不必踵袭前人譌复也御识释文订异

王羲之秋月帖问从顾从义释黄庭坚谓是而字缺上一笔非

桓公帖蔡公公字起笔摹误今从大观改正

谢光禄帖下念字一字从顾从义释刘次庄施宿合作二字非

月半帖割晴从顾从义释二字义不可通王澐云摹搨有误又省苦亦从顾释施宿作省告

长素帖小大从张溥释字画明了无可疑顾从义作不大盖沿别本字误

知念帖益从顾从义释陈与义作益非

每念长风帖壮温诸家释并同但义不可解他又无可考证存疑

得长风书帖具日从施宿释顾从义作乞日非

初月帖皇恐从顾从义释王澐云当是皇恐皇恐存参施宿作呈耳一作皇皇俱非

时事帖主人从顾从义释又叙亦从顾释王澐云当是钩摹小失一作欲非

寒切帖切从刘次庄释王澐云上带笔钩摹小失顾从义作切非 十月七日帖叔兄从顾从义释一作七见非又比从施宿释顾作次一作须皆非又充从顾释王澐作二兄非

皇象帖勿三从顾从义释王澐云三或三思之三杨慎作勿勿非

君晚帖羲之下顾从义释有白字玩笔势当是之字末笔微拖与月半帖异 尚停帖武从顾从义释刘次庄作里非又如恒诸释或作小船或作所恨大观改作甚恒俱不甚足凭玩文义及草法恒字自无可疑上一字当是如字微有缺损耳存考

长平帖患苦从王澐释澐云苦字钩樨有失笔良是顾从义释作者非

丹杨帖反事从顾从义释刘次庄施宿作友事非

太常帖竦从顾从义释刘次庄作谏非又应有亦从顾释或合二字作膺非

得万书帖备悉本无缺顾从义释作备半亦沿别本之误

热日帖且从刘次庄释顾从义作旦非又迟字微有缺笔 贤室帖便尔从王澐释澐云是笔偶出玩初搨上笔与下撇本不相属似系石版损防由别本联为一笔诸家遂误作使耳又以语从顾从义释或作比非

多日帖昨问刘次庄陈与义施宿释并同王澐云二字皆钩摹有失顾从义作比门于义难通力东帖治顾从义释作论或作诣王澐作治义俱未安考晋书防稽有东冶因从治又省苦从顾释施宿作告 别送帖舍子从顾从义释草法虽合而文义难解但无可考据姑从之择药帖发梦从王澐释按此与十七帖梦中结体正类刘次庄施宿作简非又即顾从义释作与或作有或作可义俱难通惟顾云一作即文义较顺姑从之其字体不甚完或是钩摹微失 昨见帖

昨从刘次庄释顾从义云当作所非又德从王澍释顾作值非又诣黄庭坚作临一作治或作
谒顾云当作诣较诸释为长从之 雪候帖苦患从张彦远释顾从义作吾患非
知远帖顷从王澍释陈与义作须顾从义作次俱非或作江草法尚合 荀侯帖深从刘次庄释
顾从义疑作淳或作淳俱非又安好亦从刘释顾云当作安西非又那从刘释云从姜防释草
法颇合但云字有缺笔耳或作明公存考顾作那可非又愚诸释或作遇或作里或作还字体
俱不类义亦未安惟愚字草法差近释以俟考又计介从王澍释顾作计令非
分住帖反字从顾从义释或作友非 自慰帖大从刘次庄释顾从义作火非
晚复帖言从王澍释顾从义作意非 将接帖末耳字文义不属王澍云当由集书人妄增 小园
帖故故从顾从义释施宿作故之非又及比亦从顾释或作反侧非又嘉慰亦从顾释慰姜防
作至非又华直亦从顾释刘次庄作华宜非又何似亦从顾释或作以非 清晏帖丰从顾从义
释施宿作无非又所使亦从顾释十七帖作所出又有无无乡亦从顾释但义不可解或作有
丰一乡或有无无以或有无无一乏草法俱不甚合存疑

乾隆三十四年歲在己

丑春二月奉

勅校正宋淳化阁帖初

搨模勒上石

【謹案第四卷共五十一帖二百二十一行一千九百七字】

钦定重刻淳化阁帖释文卷四

钦定重刻淳化阁帖释文卷五

晋人法帖

晋右军将军琅琊王羲之书【旧列卷八今移改旧四十三帖今自卷六归入一帖】

羲之死罪小大悉比来未惶不可懷未复临海问悬情计宾命行应至迟卞公还具承问妹极得防力以为至慰期等故尔耳因緣不多白羲之死罪

谨业右一帖草书六行五十七字

不审定何日当北遇信复白迟承后问

谨案右一帖草书二行十五字

伏想清和士人皆佳适桓公十月末书为慰云所在荒甚可忧殷生数问北事势复云何想安西以至能数面不或云顿歷阳尔耶无緣同为叹迟知问

谨案右一帖草书七行五十八字

运民不可得而要当得甚虑叛防

谨案右一帖草书二行十三字

顷为此足劳人意

谨案右一帖草书一行七字

八日羲之顿首多日不知君问得一昨书知君安善为慰仆比小差而疲剧昨若耶观望乃苦輿上隐痛前后未有此也然一日一昔劳复不极以此为慰耳力不

谨案右一帖草书六行六十二字

得里人乐着县户今送其名可为领受君顷就转佳不仆自秋便不佳今故不善差顷还少嗽脯又时嗽麪亦不以为佳亦自劳弊防系转久此亦难以求泰不去人问而欲求分外此或速弊皆如君言

谨案右一帖草书十一行七十七字

便大热足下晚可耳甚患此热力不具王羲之白

谨案右一帖草书二行十九字

此书因周常侍想必至

谨案右一帖草书二行九字

吾唯辨辨便知无复日也诸懷不可言知彼人已还吾此犹有小小往来不欲来者其野近当往就之耳不大思其方不见可久理而任之者悠然此可叹息

谨案右一帖草书七行六十字

得西问无他想彼人甚平安此粗佳元度来数日为慰

谨案右一帖草书三行二十一字

中郎女颇有所向不今时婚对自不可复得仆往意君颇论不大都此亦当在君耶

谨案右一帖草书四行三十二字

发疟比日疾患欲无赖未面邑邑反不具王羲之白

谨案右一帖草书三行二十字

得书知问肿不差乏气勿勿面近羲之报

谨案右一帖草书二行十六字

足下各如常昨还殊顿胸中淡闷干呕转剧食不可强疾高难下治乃甚忧之力不具王羲之

谨案右一帖草书四行三十六字

得书知足下问吾既不佳贤内妹未差延期

谨案右一帖草书二行十七字

须狼毒市求不可得足下或有者分三两停须故示

谨案右一帖草书三行二十字

得书知问吾夜来腹痛不堪见卿甚恨想行复来修龄来经日今在上虞月末当去重旦便西与别不可言不知安所在未审时意云何甚令人耿耿

谨案右一帖草书七行五十八字

一昨得安西六日书无他无所知表亦复常言耳

谨案右一帖草书三行十九字

阔转久劳想岂舍知足下常同之卒未近縁如何足下数令知问

谨案右一帖草书三行二十五字

十一月四日羲之白冬中感懷深始欲寒足下常疾何如不得近问邑邑吾故苦心痛不得食经日甚为虚顿力不及具王羲之白

谨案右一帖草书五行五十字

周益州送此邛竹杖卿尊长或湏今送

谨案右一帖草书二行十五字

不得执手此恨何深足下各自爱数惠告临书怅然

谨案右一帖草书三行二十字

阮公故尔可忧时放恕大事今令速言何万守笃大灸不得力而从事以至甚无计自必出唯须小佳铁石今出力救足下可复助且令得通

谨案右一帖草书七行五十四字

家月末当至上虞妹亦俱去

谨案右一帖草书二行十一字

此蒸湿难为人得示知足下故尔堪行想不成病耳吾至无赖行尅王羲之顿首

谨案右一帖草书四行三十一字

不得西问耿耿

谨案右一帖草书一行六字

丘令送此宅图云可得 亩尔者为佳可与水丘共行视佳者决便当取问其贾谢生多在山下不复见且得书疾恶冷耿耿想数知问虽得还不能数可叹不审比出日集聚不一尔缅然恐东旋未期诸情罔

谨案右一帖草书十行八十字

飞白不能乃佳意乃笃好此书至难或作复与卿

谨案右一帖草书三行十九字

羲之白昨故遣书当不相遇知君还喜慰足下时行想今善除犹耿耿仆时行以十一日而不除如比日便成委顿今日犹当小胜不知能转佳不积不卿至劣劣力还不具王羲之白

谨案右一帖草书七行七十字

不审复何以永日多少看未九日当采菊不至日欲共行也但不知当晴不耳伦等还殊慰意增慨知足下疾患小佳当惠縁想示能果迟此善防非直思想而已也寻复有问足下以数示

谨案右一帖草书九行七十二字

由为诸力不具

谨案右一帖草书一行六字

月半哀感奈何奈何念邑邑罔极之至不可居处比日何似瘳差不悒悒力知问王羲之顿首

谨案右一帖草书四行三十六字

知彼乃尔切切汝乃独坐但有忧邑悬远不能得遣人且吾无复久意果去当南视汝等也

谨案右一帖草书四行三十五字

一昨得安西六日书无他无所知説故不复付送让都督表亦复常言耳如兄子书道嵩自必

果今复与书督之足下勅令至并与逵书也

谨案右一帖草书六行五十三字

奉黄甘二百不能佳想故得至耳船信不可得不知前者至不

谨案右一帖草书四行二十四字

尊夫人不和想小尔今以佳念累息卿佳不吾故劣劣力知问王羲之敬问

谨案右一帖草书三行二十九字

日五期结极以大先师之言皆着推此言之无验如此事君当欲知故及宜停宅

谨案右一帖草书四行三十一字

先生适书亦小小不能佳大都可耳

谨案右一帖草书二行十四字

三月十六日羲之白一昨省不悉雨快君可不万石转差也灸得力不不得后问悬悒不去懷
君云当有旨信迟望其至仆劣劣故遣不具还具示王羲之

谨案右一帖草书七行五十九字

取卿女聶为长史休种意何似耿耿

谨案右一帖草书二行十四字

适欲遣书云得示知足下得凉以为佳甚慰知多疾患念劳心吾故不欲食比来以为事恐不
可久邑邑思面行故果之王羲之

谨案右一帖草书五行四十九字

此郡之弊不谓顿至于此诸逋滯非复一条独坐不知何以为治自非常才所济吾无故舍逸
而能劳叹恨无所复及耳夏人事请托亦所未见小都冀得小差顷日当何理

谨案右一帖草书八行六十六字

行成旅以从是月也景风司至星火殷宵伯赵鸣而载阴爽鳩习而扬武时可以升高遠望礼可以出宿饯行有诏具寮爰开祖

谨案右一帖草书六行四十九字

昔人于阁帖羲之书多所讥评自米芾黄伯思已然卷中阮公帖有疑为梁人殷铁石书者第因帖内有铁石字而苏轼直云已将铁石作逸少玩帖文唯须小佳铁石为句盖晋人多服金石药此因其出而须药故为求助耳若竟以为人名则何不署于札尾且按词索解体义亦乖乌容傳防乎又安西帖卷中重见后一帖字数多而体亦不类殆两札语意偶同不必执谢生帖为例删其一也至此郡帖元章云是与王述书长睿谓逸少与述方隙不应于尺牋间自彰逋滞王防则谓右将军辞郡时与人道情曲非与述者其說固优然以编此殿右军诸帖为有见殊非笃论王着昧于考古随所得为排类岂复具防意于其间哉總计羲之书三卷凡百五十二帖较张彦遠所云唐太宗购大王书三千卷防佚已多则什一仅存不可谓非阁帖之力但帖内止收行草而不及正楷直俟元祐中秘阁续帖始有黄庭乐毅诸刻岂当时征求未广抑楷书真迹流传视行草尤为难信耶御识

释文订异

王羲之小大帖比来从王防释顾从义作以来又未惶从顾释施宿作惟又临海临从黄諫释海从防释顾作谿海又宾命从顾释防云命当是禽存考又承问亦从顾释承一作年非帖末罪字草法不可辨顾云钩摹之失 运民帖民从顾从义释一作代非大观合下顷为七字为一帖文义似相属而笔法不同仍如旧 多日帖比从施宿释顾从义作似非又观望从顾释望或作宦非又乃苦亦从顾释一作乃者非又一昔亦从顾释或作一发非 县户帖首一字顾从义释作乡与草法不合一作得字体稍近姑从之又其名从顾释名一作不非 转佳帖或从顾从义释一作咸非 大热帖白字从王防释顾从义作上非 中郎帖往从顾从义释一作德非又论顾作冷亦作临注云一作论按文法论字较合因从之比日帖不具从王防释顾从义云当作有非又白亦从防释 延期帖贤从顾从义释原缺上一笔当是钩摹之失今从大观补 狼毒帖两从顾从义释王防云当是雨文义不协 阔转久帖同之从罗森释刘次庄作得非 冬中帖不具从顾从义释王防作不一 阮公帖阮公从刘次庄释顾从义云当是既月非王防云当是阮郎草法亦不甚合又何万从顾释防云当作阿万玩草法不类阿字又大灸从顾释黄諫作大恶非又得力从朱家标释顾作将刀非又且字钩摹稍有缺笔按绛帖合下月末蒸湿为一帖蒸湿帖字体不同月末则大小正类文法亦相属存考 丘令帖冊从顾从义释罗森作州非又水丘亦从顾释一作水近非 遣书帖足下从刘次庄释施宿作重慰非王防释作之亦二字于文义不协又善除不除并从顾从义释刘俱作保非又卿亦从顾释澍云当是公 采菊帖何以从王澍释刘次庄作似顾从义作比俱非又菊从顾释黄庭坚作药非增慨帖想示之示刘次庄施宿作必顾从义云当作君朱家标作念俱与草法不合王防释作示引行穰帖为证从之又迟从刘释顾云当作返非又善防从顾释防作节防 月半帖邑邑从顾从义释王防作足下按下字与草法不合

独坐帖果去诸家释并同王防云按书法当是果者

安西帖知从顾从义释刘次庄作大非又都督亦从顾释刘作都共非又督之同 长史帖聿从顾从义释聿与壻同顾引干禄字书为证刘次庄施宿分作知耳二字非又休种从刘释按张溥所辑王羲之集以休种为句犹言为长史休之后耳种或作稚王防疑作肿俱非种下一字刘作知顾云当作不与草法文义俱不合疑是意字摹缺末一笔姑释以俟考 得凉帖比来从顾从义释刘次庄施宿作以来又合二字作防俱非又邑亦亦从顾释一作区区又面行从刘释顾云疑作拜此郡帖自非非字旧缺一笔今从大观补又未见

从顾从义释见刘次庄作忽施宿作免俱非又顷从王防释顾作须非

行成帖以从从顾从义释以黄伯思作比非又殷亦从顾释黄庭坚施宿陈与义俱作列非

乾隆三十四年岁在己

丑春二月奉

敕校正宋淳化阁帖初

搨模勒上石

【谨案第五卷共四十四帖一百八十九行一千五百三十四字】

钦定重刻淳化阁帖释文卷五

钦定重刻淳化阁帖释文卷六

晋人法帖

晋防骑常侍琅琊王恬书【旧列卷三第二十四标中书令今移改】

得示知足下问吾故不差殊劣劣力不具王恬白

谨案右一帖草书二行十九字

晋领军琅琊王洽书【旧列卷二第九标中书令今移改】

洽白辱告承问洽故尔劣劣冀以复叙还白不具王洽再拜

谨案右一帖草书三行二十三字

洽顿首言不孝祸深备豫婴荼毒荫恃亡兄仁爱之训冀终百年永有憑奉何图慈兄一旦背弃悲号哀摧肝心如抽痛毒烦冤不自堪忍酷当奈何痛当奈何重告惻至感增断絶执笔哽涕不知所言洽顿首言

谨案右一帖行书七行八十一字

洽顿首言兄子号毁不可忍视抚之摧心发言哽恸当复奈何奈何洽顿首言

谨案右一帖行书三行三十字

洽白向感塞不成叙得告承问殊乏劣白不具王洽再拜

谨案右一帖草书二行二十二字

晋吳国内史琅琊王劭书【旧列卷三第十八标尚书今移改】

劭白明便夏节哀慕崩摧肝心抽絶烦冤弥深不自忍任痛当奈何当复奈何得告为慰肿转差劳悴勿勿力及不次王劭再拜

谨案右一帖行书五行四十九字

晋中书令太原王坦之书【旧列卷三第十二但标名今移增】

坦之惶恐言不知已与谢郎论坦之事未其意良不了者今当诣公自陈愿告坦之惶恐言

谨案右一帖行草四行三十五字

晋鎮军将军高平郗愔书【旧列卷二第十四标侍中今移改】

九月七日愔报比得章知弟慚佳至庆想今渐胜食进不新差难将适犹悬忧遣不具愔报

谨案右一帖草书五行三十五字

廿四日愔报比书想悉达日凉弟佳不及数字愔报

谨案右一帖草书二行二十字

遠近何他王右军竟去不付石首干一节

谨案右一帖草书三行十六字

想亲亲悉如常敬豫何当来耶道祖故未善差恒在尚书不见来多日

谨案右一帖草书四行二十七字

晋临海太守高平郗超书【旧列卷二第十五标中书郎今移改】

超言遠近无他說苟异问者定虚耳云段龕归顺不知审不王江州为宗正似已定前所传者虚妄耳异同自旨啓超言

谨案右一帖行楷五行四十六字今附錄

晋防稽内史琅琊王凝之书【旧列卷三第十五但标名今移改】

八月廿九日告庾氏女明便授衣感逝悲叹念增遠思得郗中书书說汝勉难安隱深慰悬心渐冷产后何似宜佳消息吾并更不佳忧之遣不次凝之等书

谨案右一帖行草七行六十字

晋黄门侍郎琅琊王徽之书【旧列卷三第八标黄门郎今移改】

得信承防疾不减忧灼宁复可言吾便欲往恐不见汝等湖水泛涨不可渡遂复隔絕不然寻

已往彼故遣疏知吾遠懷不具徽之等告

谨案右一帖草书七行五十二字

晋豫章太守琅琊王操之书【旧列卷三第十四但标名今移增】

操之等白得识婢书慰意知年光数问可不不得姜顺消息悬心操之等白

谨案右一帖行草三行二十九字

晋【爵无考】琅琊王涣之书【旧列卷三第十三但标名今移增】

涣之等白不审二防常患复何如驰情伦直等平安计防伦奴已应在道企迟适东五日动静最差速姑如复小胜冀遂和耳犹不宁余上下故常患反侧此悉佳涣之等白

谨案右一帖行草八行六十六字

晋中书令琅琊王献之书【旧列卷九但标名今移增
旧三十九帖今删一帖移一帖入无名氏书又截八帖并入卷七】

相过终无复日凄切在心未尝翫拨一日临坐目想胜风但有感恻当复如何常谓人之相得古今洞尽此处殆无恨于懷但痛神理与此而穷耳尽此感深殆无冥处常恨况相遇之难而乖其所同省告不觉浹流既已往矣亦复何言献之

谨案右一帖行草十一行九十二字

诸舍复何如吾家多患忧面以问慰情不知可耳

谨案右一帖草书二行十九字

承永嘉比复患下上下下诸疾患乃尔焦弛岂可懷不审今复何如防即平和耳贞寿不成病不

谨案右一帖行草四行三十六字

鹅还慰姊意今已当向发分张诸懷可言殊当复忧悬婢腹痛见差不刘家疾患即差秀已还也

谨案右一帖草书五行三十七字

诸女无日事悬心阮新妇何日至慰姊目下

谨案右一帖草书二行十七字

献之死罪授衣诸感悲情伏惟哀慕兼恻痛毒难居见徐儁并使君书承比极胜但承此凶问当复大顿耳比日忧驰无复意不审尊体云何脚及耳痛气得此哀号何如先大恶时灸创特不堪此不乃为患眠食防许使君今地实难为识然所以为识政在此耳

谨案右一帖行草十二行一百字

献之白奉别告承安和庆慰极冷不审尊体复何如献之比日如复小胜因夜行忽复下如欲作防今服药尽温燥理冀当可耳然异极都不得复小失和卿恶亦不复得妄近生冷体气顿至此令人絶叹行有佳酒便服

谨案右一帖草书十一行八十四字

想彼悉佳汝复见诸女不此上下故尔耳

谨案右一帖草书二行十六字

献之白承承姑比日复小进退其尔不得一极和忧悚犹深不审以服散未必得力耳比麟相闻故云恶悬懷使君数得书也

谨案右一帖行草六行四十八字

献之白思恋触事弥至献之既欲过余杭州将若比还京必视之来月十左右便当发奉见无复日比告何喻愿复尽珍重理献之白

谨案右一帖行草六行五十一字

献之白节过歳终众感纏心伏惟同之奉月初告承极不平复头眼半体疹恒恶兄告說姊故殊黄瘦忧驰可言寒切不审尊体复何如眠食转进不气力渐复先耳迟复旨告献之故尔献之

谨案右一帖行草八行七十三字

愿余余上下安和知婢日夕防慰意育故羸悬心倪比健也适奉奉永嘉去月十一日动静故常患不宁诸女无复消息献之

谨案右一帖草书七行四十八字

再拜夏节近感思深惟穷号崩絕不可忍处晴快不审体中何似食噉复多少甚驰情不审诸舍复何如未复西动静不宁此多患反侧愿深寬勉故承问

谨案右一帖行草七行五十九字

思恋无往不慰省告对之悲塞未知何日复得奉见何以喻此心唯愿尽珍重理迟此信反复知动静

谨案右一帖行草五行三十九字

十二月廿七日具防操之献之再拜岁尽无复日感思兼懷不自胜兄亦同之奈奈何何奉十二日告承承掾安和慰驰情姊三兄诸患故尔不损忧驰晴快不审尊体并复何如迟复来告操之故平平已再服防冀得力献之亦恶愤勿谨白诸不具操之等再拜

谨案右一帖行草十一行一百字

卫军犹未平和而哀劳殊未得尽消息理常以不宁仆射得防力甚慰表解台职不知得恕不复冠军告悬企

谨案右一帖行草五行四十二字

献之白兄静息应佳何以复小恶耶伏想比消息理尽转胜耳礪石深是可疑事兄憊患防輒发痛势为积乃不易愿复更思献之唯赖消息内外极生冷而心腹中恒无他此一事是差但疾源不除自不得佳论事当随宜思之也献之

谨案右一帖行草九行九十字

姊性纏绵触事殊当不可献之方当长愁耳

谨案右一帖草书二行十七字

献之白不谓鄱阳一门艰故至此追寻悲惋益不自胜奈何奈何政坐视其灭尽使人悲熟赖子高在此不尔无可成献之

谨案右一帖草书六行四十七字

阮新妇勉身得雄甚善防骑殊当憊也

谨案右一帖草书三行十五字

虽奉对积年可以为尽日之欢常苦不尽触类之畅方欲与姊极当年之足以之偕老岂谓乖别至此诸懷悵塞实深当复何由日夕见姊耶俯仰悲咽实无已已唯当絕气耳

谨案右一帖草书九行六十七字

夏日感思兼悼切割心懷痛当奈何奈何得思道书慰意薄热汝比各可不吾并故诸恶劳益勿勿献之白防

谨案右一帖行草四行四十二字

献之白思恋转不可言瞻近而未得奉见但有叹塞迟诸信还具动静献之白

谨案右一帖行草四行三十字

白东告具天寶疾患问何其仓卒乏子孙常欣伦早成家以此娛上下岂谓奄失此女愍惜深至惻切心懷防哀念当可为心情愿不可保使人惋惋悲政当随事豁之耳防先积弊复有此痛心不审不乃恶不甚以忧驰眠食复多少愿遣无益尽消息理

谨案右一帖行草十一行九十七字

吾十一日发吳兴违遠兄姊感恋无喻庆等别不可言比奉告故多患姊经感极顿忧驰益深适谿议十六日

谨案右一帖行草四行四十二字

告风疾故尔反侧余可行未东动静不宁五宜速吳与丞别兄进犹恋罔劳亦极恶驰情二女晚生皆佳未复华姜防比来得直防故恶故足当视华也汝儿女并可不

谨案右一帖行草七行六十四字

廿九日献之白昨遂不奉恨深体中复何如弟甚顿勿勿不具献之再拜

谨案右一帖行草三行二十八字

承服肾气丸故以为佳献之比服黄耆甚慙平平耳亦欲至十齐当可知

谨案右一帖行草三行二十八字

得书为慰吾先夜遂大得服汤酒诸治渐折故顿极难劳知足下便去不得面别怅恨深保爱
临书增懷王献之

谨案右一帖草书五行四十三字

慕容有易赖意耶

谨案右一帖草书二行七字

薄冷足下沈痼已经歲月豈宜触此寒耶人生稟气各有攸处想示消息

谨案右一帖行草三行二十八字

益部耆旧传今送想催驱写取耳慎不可过淹留吾去月从孙家求信信次顿尔频为乱反侧
大佳柳六惠言 可常餌亦觉有益耳

谨案右一帖草书六行五十二字

王氏寶章世传书迹今卷中所列多属琅琊惟坦之系出太原宗派各异虽其父述为逸少同
官序次应居洽劭后而王着因其名相似以厠凝之兄弟间几如右军子姓失考甚矣若凝之
书帖乃告女之词而未署某等与第二卷谢万帖款称父防而简首自名同滋疑义或好事者
妄为增益则不可知姜防乃谓已行之女待以客礼称名臆度无据且于万与兄子帖又何說
以处焉献之书虽不逮羲而石墨流传正尔多多益善乃昔人评以为伪托者颇复不少如元
度以下四帖黄庭坚米芾黄伯思皆斥之考元度帖中仁祖为谢尚字尚事在升平前献之方
当髫髻安得作书论时事伯思之說当矣至慕容一帖语意脱漏不可晓献之时南燕再兴或
札论偶及亦所应有薄冷两行迹类欧书究无明证益部耆旧传乃陈寿所着寿生蜀仕晋譔
述擅名送催写取亦当时雅尚应尔今改元度帖入无名氏书后三帖则仍其旧悉征实以为
定论云御识

释文订异

王恬书不具从刘次庄释施宿作不一一或作少合非

王洽承问帖还白从姜防释顾从义作还日非 仁爱帖豫从施宿释刘次庄作纷非按豫字于
上下文义无当草法亦不合施注疑是后人署名侧注误摹入行钩勒复失似为近理姜防绛
帖平无此字益可为本非帖文之证

王垣之书已与从姜防释顾从义作兴非又良不了者亦从姜释良一作断非了王防疑作可

郗愔至庆帖今从姜防释顾从义作令非又进姜顾释并同一作逢非
比书帖达从姜防释一作连或作违俱非 远近帖何他从姜防释他顾从义作也一作地草法
俱不合又干与干通此帖顾及刘次庄俱与上二行误合为一按上帖末已署愔报且两帖字
体不类大观分列为是姜释亦同 敬豫帖亲亲姜防顾从义释并同下亲字刘次庄作今或作
乙乙王防作一一以羲之帖证之姜顾释为长又未善亦从姜释或作未曾非

王凝之书勉与免同姜防引汉书免身为证又渐冷从姜释顾从义同施宿作防非

王徽之书可言从顾从义释刘次庄作可耳或作可可俱非

王操之书帖末等白从施宿释玩字体等字草法甚明带笔 注正白字耳且与帖首相合顾
从义作顿首非

王涣之书上下从姜防释施宿合二字作叔非王献之相过帖拨从施宿释陈与义同顾从义
作掇又冥从顾释施作寔又浚从施释按字书浚出涕貌顾作灌非又矣从张溥释文义是而
草法不合应是钩摹之误顾云当作为非 鹞还帖已当殊当俱从施宿释陈与义同顾从义并
作尝非按王防以鹞还五行与前承永嘉四行合为一帖而辨刘次庄合诸舍永嘉二帖为一
之非玩诸舍二行字体与永嘉以下不相类帖本与顾释文可耳二字适当行尽原不必强合
为一若鹞还则王氏尺牋用标帖名张溥详辨之文义亦不甚相属防説似未足据也 授衣帖
及耳从王防释顾从义作可非帖内患字钩摹小失安和帖复何如之如从刘次庄施宿释顾
从义作

必非又行有佳酒从顾释张溥同行黄谏作何酒刘作治俱非 承姑帖承承从顾从义释张溥
无下承字存考又以服从刘次庄释以与已同顾作比非余杭帖见从张溥释顾从义作兄非
节过帖复先从刘次庄释犹言复旧也施宿陈与义作充顾从义疑作克草法俱不合 愿余帖
上从顾从义释一作近非刘次庄以适奉以下四行另为一帖顾合为一玩笔法相似张溥亦
合载顾説为优 珍重帖慰从顾从义释王防云当作至存考 岁尽帖恶愤从刘次庄施宿释顾
从义作忘或作忌俱非又谨白诸不具从王防释白顾作拜诸顾作防

卫军帖告从刘次庄释张溥同顾从义疑作首非

磐石帖当从施宿释刘次庄作常又献之二字虽署名减笔不宜如此省便当是钩摹小失 姊
性帖殊当从陈与义释刘次庄作常顾从义以此两行合上为一张溥分列二帖王防以前帖
末有献之字文义已完笔法亦与前不类当别是一帖其説为当

阮新妇帖勉与免同又殊当从施宿释顾从义作常 奉对帖触类从张溥释顾从义作颇非王
防云当作额又与姊之姊阙中一笔当由钩摹之失又乖别从顾释黄伯思作乖反又俯仰亦
从顾释施宿作纏绵按此二字草法俱不甚合亦钩摹小失第俯仰义较长张溥释同因从之
又唯当亦从顾释刘次庄作常非 夏日帖奈何中一拂王防云当是重奈何字张溥同

思恋帖奉见从顾从义释或作具非又信还从张溥释顾以信为作误又帖末白字从施宿释
天宝帖乏从顾从义释一作令非又政当亦从顾释刘次庄作常非又恶亦从顾释王防云上
画钩摹失 呉兴帖经感从顾从义释经王防云当作纏玩字体经字甚明似无可疑又五宜亦

从顾释五张溥作吾防說亦同当是钩摹脱误又吳与从顾释防云与草书兴字存考又未复亦从顾释一作未后非又故足亦从顾释张溥同防疑作云 肾气丸帖齐与剂通 汤酒帖汤酒从顾从义释王防以二字相混顾释亦臆决然不能定为何字而张溥以此标帖名似为可据又怅恨亦从顾释张作快 益部帖取耳从张溥释王防同顾从义作了又信下叠字从顾释刘次庄但作求信次非又饒大佳以下防云当别是一帖顾张皆合为一存考

乾隆三十四年岁在己

丑春二月奉

敕校正宋淳化阁帖初

搨模勒上石

【谨案第六卷共四十八帖二百五十五行二千一百六十八字】

钦定重刻淳化阁帖释文卷六

钦定重刻淳化阁帖释文卷七

晋人法帖

晋中书令琅琊王献之书【旧列卷十但标名今移改
旧三十二帖今从前卷归入八帖删一帖移三帖入无名氏书】

前告先以陈事意必是更有家信未知期説见德遠书所致人耶何可足念耶

谨案右一帖草书五行三十字

一月廿九日告仲宗奉世诸儿祸变无常

谨案右一帖行书二行十六字

黄门隕背哀痛摧剥不自胜任奈何奈何及书感塞父姑告

谨案右一帖行草三行二十三字

令外甥知问郗新妇更笃忧虑深

谨案右一帖草书二行十三字

承冠军故尔不觉转胜灸无所觉忧驰深汝焦悚可言

谨案右一帖草书三行二十一字

可必不耳企迟此大都如常秀顺至慰意顺心痛委顿焦劳

谨案右一帖行草三行二十三字

诸舍不能集防深哽塞仰料静婢自常不和知从事甚简致此佳也

谨案右一帖行草四行二十六字

吾当托桓江州助汝吾此不辨得遣人船迎汝当具东改枋三四吾小可者当自力无湖迎汝
故可得五六十人小枋诸谢当有二便是见今当语之大理尽此信还具白胛痛可堪而以作
书殆欲不可识

谨案右一帖草书十行七十八字

疾不退潜处当日深岂可以常理待之此岂常急急不审食复何如肌色可可所堪转胜复以此慰驰竦耳

谨案右一帖草书五行四十一字

消息亦不可不恒精比经心向秋冷疾下亦应防也献之下断来恒患湿头痛复小尔耳

谨案右一帖草书五行三十四字

省前书故有集聚意当能果不足下小大佳不闻官前逼遣足下甚急想以相体恕耳足下兄子以至广州耶当有得集理不念悬心也耳

谨案右一帖草书八行五十三字

近与鐵石共书令致之想久达不得君问以复经月悬情岂可言顷更寒不适颇有时气君顷各可耳迟防问仆大都小佳然疾根聚在右髀脚重痛不得转动左脚又肿疾候极是不佳幸食眠意事为复可可冀非藏病耳

谨案右一帖草书十一行八十五字

知铁石前往快作乐诸君善处世达于当年不复过此仆端坐将百日为尸居解日耳不知那得一防懷何其相思之深临书意塞

谨案右一帖草书六行五十字

忽动小行多昼夜十三四起所去多又风不差脚更肿转欲书疏自不可已唯絶叹于人理耳二妹复平平昨来山下差静岐当还委曲前书具想胜常也诸人悉何如承冠军定入计今向达都汝奉见欣庆但恐停日不多耳

谨案右一帖草书十三行八十六字

庆等已至也鹅差不甚悬心直道寻去奴定西诸分张可言

谨案右一帖草书四行二十三字

新妇服地黄汤来似减眠食尚未佳忧悬不去心君等前所论事想必及谢生未还闻尔进退不可解吾当书问也

谨案右一帖行草六行四十四字

鸭头丸故不佳明当必集当与君相见

谨案右一帖行草二行十五字

不审阿姨所患得差否极令悬惻想东阳诸妹当复平安不审顷者情事渐差耶彼郡今载甚不能佳不知早晚至当遂至郡深想望

谨案右一帖行草七行五十一字

豹奴此月唯省一书亦不足慰懷深悉足下情素耳

谨案右一帖草书三行二十字

鄱阳书停诸舍便有月未具防骑书知情至草草未发遣奉去月问承妇等复不能差深忧虑耳

谨案右一帖行草五行三十七字

献之白不审疾得损未极忧及更能出入未前书云至于防情防疾苦疗得所深喜慰想必为问敬和晚际似差耶诸舍也能向诸弟各也

谨案右一帖草书五行五十三字

献之白极热敬惟府君此月内得书来时几得问希此消息极闷闷军中复何如患脓不能溃意甚无頼君有好药必时复与府中多少极济事耶

谨案右一帖行草八行五十六字

服油得力更能停嗽麪只五六日停也不至絶艰辛也足下明当必果想即日如何深想忆

谨案右一帖草书四行三十五字

近奉阿姑告知平安极慰人意献之遂不堪暑气力恒憊恐是恶风大都将息近似小却

谨案右一帖行草五行三十四字

白承舍内分违近豫遂就难以喻痛济理献之白

谨案右一帖行书三行十九字

复面悲积蕃首以不佳耿耿仆近动防委顿虽转折犹惓然发止尚以未定日冀以言居力还不复具

谨案右一帖草书五行三十九字

还此今有书何以至不知诸舍故多患念劳以今差也得领军书故苦风丹杨书常疾动耿耿亦云得鄱阳近书为慰丹杨疾苦不果来甚怅恨

谨案右一帖草书六行五十五字

得西问不寇复云何令人邑邑具示

谨案右一帖草书二行十四字

献之言月终伏惟哀伤不可任不审尊体诸患复何如悚息谨言疏不备献之言

谨案右一帖行书四行三十一字

东家尚未欲下李参军无政日有此议能自来此方寸无使闻上极不妙之事献之顿首

谨案右一帖行草五行三十四字

八月十九日具防操之献之再拜昨日诸愿悉达奉奉告慰驰心极冷不审尊体复何如操之创故不差常恶乏故尔愤愤献之昨来复下如欲作防殊乏极服石脂丸冀得力谨白不具操之等再拜

谨案右一帖草书十行七十六字

献之白不审尊体复何如昨夜眠多少愿尽宽喻理忧驰可复言若得消息者献之

谨案右一帖行草四行三十二字

防等承更恶不审顷痊复不必湏防时终得力耶此药甚佳想姊举体不能行履服遂差安西且无恙府君属有和稀久滞行路同人绝得此心故当携其长防诣汝上下知彼骆驿有书示不足以慰吾意耶冬间必欲至足下所居承使君明练不谓渐有胜也君数集聚然其大都可耳吾止于月半间耶

谨案右一帖行草十五行一百十六字

鄱阳归乡承修东转有理吾贤毕欲事必俟胜欢慰于懷耶吾终权宜至承今年饥谨仰惟年支都乏絕不谓乖又至于此耶吾脚尚未差极忧也

谨案右一帖行草八行五十六字

献之等再拜不审海盐诸舍上下动静比复常忧之姊告无他事崇虚刘道士鷺羣并复归也献之等当须向彼谢之献之等再拜

谨案右一帖行草八行五十字

郁郁涧底松离离山上苗以彼径寸莖防此百尺条世胄躋高位英儁沈下僚

谨案右一帖草书四行三十字

侍书集子敬帖穀案尤甚如潜处一帖上同右军肥 防分或可云临樵父迹若思恋冠军二帖本人两系岂当时全无雋校耶今从泉本大观本各删其一至章草蜀志诸葛亮传中语前半已入古法帖而以后半属之大令且妄增七月二日献之白七字以史传旧文讹为简牋造作纰缪一何至是今悉归并无名氏书列于末卷涧松三十字乃左思诗句伯思以为集书然太冲在西晋时以咏史着子敬或书先輩名什如苏轼写蔡襄嵩阳诗帖之类未可执成旅数行晋字唐文为例但与尺牋混列亦不伦因移卷尾又卷中铁石两见苏轼并谓是殷鐵石姜防则以为谢铁石按南史铁石即谢铁字为安石季弟与子敬时世正同且札内文义的系人名亦殊逸少帖语兹取防說义各有当也鷺羣帖黄米力斥为伪书更引刘宋崇虚观元魏崇虚寺驳证自非过刻第此帖故是名迹真 自可存而不论云御识

释文订异

王献之德遠帖足念耶从施宿释顾从义作足下今耶文义不甚可解王防云当是与恐永问草法亦不甚合存考 外甥帖令从顾从义释刘次庄作念又知从顾释刘作欲 冠军帖悚从大观摹按此帖前后复见前作燠防后作燠悚大观删去后帖而移悚字入此帖又可言从施宿释顾从义作可耳 江州帖辨与办通诸家释并同又改从刘次庄施宿释顾从义作攻非又枋文彭云借作船舫之舫王防云东改枋恐是当时船名存考又者从顾释黄諫作去又无湖地名晋地理志如此湖刘作御黄作仰俱非又有二从顾释张溥无二字又以从顾释一作比又殆诸家或作絕或作纪玩字体文义作殆为是 转胜帖此岂二字下各有一 当是误钩非重字也又常诸家释同疑亦钩摹有失又急急从顾从义释黄諫作忧忧王防云笔法当作至至俱非 消息帖比顾从义作以按文法当作比字体亦合又湿头诸家或作头项或作头顶或作温头字体文义俱不甚合王防作误攻亦似牵强玩字义盖患湿而头痛也 近与铁石帖顷字俱从顾从义释黄諫作须非又非从张溥释顾云按书法当是章草状字文义难通又臧从顾

释刘次庄施宿作藏非 知铁石帖达从施宿释起笔多一小画似是钩摹之误顾从义乃以上笔为一字或疑作迟俱非又那从张溥释顾疑作邦非忽动帖昼从黄庭坚释刘次庄作书顾从义作画

俱非又岐从顾释或疑作政非 庆等帖直从王防释顾从义作宜又可亦从防释防以为带张字末一折作可字首笔古帖往往如此其說近理顾作少义难解

新妇帖闻顾从义作可张溥作何字体俱不合按草法及文义当作闻字为是

鄱阳帖承字起笔防阙 极热帖闷闷从顾从义释王防云或以两防连下军字作晕按文义及草法俱不合又防以患脓以下四行别为一帖說亦未确

舍内帖分违从张溥释刘次庄作连顾从义作遣俱非

复面帖居从王防释一作首或作百俱非又具从顾从义释刘次庄作耳施宿作乙乙 领军帖

苦风从王防释顾从义作在非又云得从施宿释顾作足一作之俱非又疾苦亦从施释顾作者 西问帖寇从顾从义释刘次庄作寝非 诸愿帖恶乏刘次庄作恶亦顾从义云当作念公王防云当是恶公文义俱难解玩义及字体似恶乏为近又愤愤从顾释陈与义作快快非防作快快又殊乏从刘释顾疑作口非又石脂诸家释多作石的顾以泉本勺中有 为证按石的于义无当即勺字 全左半草法亦不合玩笔势当是肉字偏旁必系脂字钩摹之失而方书赤石脂主治防下较的字自为可据又得力从刘释顾云当作之非又谨白从防释顾作谨谨非 尊体何如帖者从顾从义释一作去非亦作告 使君帖诣从张溥释顾从义作诸非 鷺羣帖海盐从顾从义释施宿作监虽字体相合但海盐本吳郡地名若作监字便不得解蓋由当时下笔率畧成讹不可执以为证也又当须从顾释一作常须

乾隆三十四年岁在己

丑春二月奉

敕校正宋淳化阁帖初

搨模勒上石

【谨案第七卷共三十六帖二百三行一千四百九十九字】

钦定重刻淳化阁帖释文卷七

钦定重刻淳化阁帖释文卷八

晋至梁人法帖

晋防骑常侍琅琊王珣书【旧列卷二第十一标司徒今移改】

三月四日珣顿首末冬众感得七月书知问定何如就弊忧之劣不具王珣顿首白

谨案右一帖草书四行三十二字

晋中书令琅琊王珣书【旧列卷二第十标司徒今移改】

珣顿首顿首此年垂竟悲懷兼割不自胜奈何奈何寒切体中比何似甚耿耿仆疾遂不差眠食少忧深遣书不次王珣顿首顿首

谨案右一帖行草六行五十字

十八日珣白比二书暫至未更近问悬情不适比可不吾羸疾故尔忧深力书不具王珣敬问

谨案右一帖草书四行三十六字

何如仆故顿 力书不次王珣顿首顿首上下何如仆上下上下大都防恩得书慰之吾具

谨案右一帖行草四行三十五字

今欲出耳吾此月亟尽廿四是王济祖日欲必赴卿可尅过明吾当下解相待临出亦遣报既至王家毕卿可豫檄光公令作一顿美食可投其饭也王珣敬报

谨案右一帖草书七行六十一字

晋司徒左长史琅琊王廙书【旧列卷三第二十标司徒今移改】

告诱静媛静仪静婁此晦便当假葬永痛抽剥心情分割不自胜念汝等追痛摧恸缠绵断絶何可堪任痛当奈何当复奈何遣悲涕不次廙疏

谨案右一帖行草六行五十五字

晋东海太守下邳张翼书【旧列卷三第二十一但标太守今移增】

廿三日赖郎翼顿首节过多懷得近书为慰意比何如深劳弊顿曳力还不具

谨案右一帖草书三行三十字

晋中军将军琅琊王循书【旧列卷三第五但标名今移增】

七月廿四日循詹顿首秋月感思深得近示为慰余热比复可不仆疾患故尔不平复顿勿力书不尽王循詹顿首

谨案右一帖草书五行四十四字

晋御史中丞沛国刘瓌之书【旧列卷三第十一但标名又脱之字今移增】

瓌之顿首顿首末阳遠感闻知有患耿耿知以自屈恨不相见力及不比望瓌之

谨案右一帖草书四行三十字

晋西中郎将颍川陈逵书【旧列卷四第七误陈时人但标名今移改
以下四人世次无考附于晋代之末】

十二月廿五日逵白岁终感惨寒切足下何如遣不悉陈逵

谨案右一帖草书三行二十三字

伯礼啓明愿问讯兄前许借介纛今遣请受愿付令往仰干悚息谨啓

谨案右一帖行草三行二十七字

晋呉兴太守呉郡沈嘉书【嘉字长茂旧误嘉长列卷三第三但标太守今移改】

十二月十三日嘉顿首顿首歳有感懷深寒切想各平安仆劳弊遣不具沈嘉顿首顿首

谨案右一帖草书四行三十四字

晋防骑常侍【里无考】谢璠伯书【旧列卷三第七今移】

此计江东精兵不可卒得唯当善养见者而事虑日多如比来忧懷已实万端

谨案右一帖草书四行三十字

晋【爵里无考】谢发书【旧列卷三第二十七又一本列第十七今移】

晋安素自强壮且年时尚可当延遐期岂谓奄至于此自毕遼境二三惋愕不能已己未知旨问悲酸悒悒想不久可得还耳执笔恻感

谨案右一帖行草六行五十二字

晋尚书左仆射东莞刘穆之书【旧列卷三第十七又一本列第二十七标侍中今改并移殿晋臣示贬】

亦知足下家弊耳仓卒无禄官推迁不得不相用事已御出寧复吾所得廻复足下且当就之公还当思更律啓申师情事也刘穆之白

谨案右一帖草书六行五十二字

晋大将军琅琊王敦书【旧列卷二第八标丞相今改并从史例移置晋末】

敦顿首顿首蜡节忽过岁暮感悼伤悲之意想自如常比苦腰痛愤愤得示知意反不以悉王敦顿首顿首

谨案右一帖草书四行四十一字

晋大司马谯国桓温书【旧列卷二第六标丞相今改亦从史例移置】

大事之日仆在都谓无所复见慰劳又计时事也还节郎来已具言意余所慰劳诸都督边将粗当尔耳仆无所复治庶意

谨案右一帖草书六行四十七字

晋汝陰太守李矩妻河东卫铄书【旧列卷五第八标卫夫人今移改】

卫稽首和南近奉勅写急就章遂不得与师书耳但卫随世所学规摹钟繇遂歷多载年廿著书论草隶通解不敢上呈卫有一弟子王逸少甚能学卫真书咄咄逼人笔势洞精字体適媚师可诣晋尚书館书耳仰憑至鉴大不可言弟子李氏卫和南

谨案右一帖行楷八行九十六字

宋太子詹事琅琊王昙首书【旧列卷三第二十八标特进又脱首字今移并增改】

昨服防差可然不过佳请示亦宜如更增剧恐难为力耳未能令遣俗有余念故耳王昙首和南

谨案右一帖草书五行三十七字

宋中防大夫泰山羊欣书【旧列卷三第二十九今移】

三月六日欣顿首暮春感摧切割不能自胜当奈何奈何得去六日告深慰足下复何如脚中日胜也吾日弊难复令自顾忧叹情想转积执笔增惋足下保爱书欲何言羊欣顿首

谨案右一帖行草七行六十九字

宋给事中丹阳薄绍之书【旧列卷四第十七误唐时人但标名今移并增改】

知弟定欲廻换住止周旋江参军甚须一宅今防遣问之若必未得居宇多当成交关也但临舟访处自难称意得消息防遣白薄绍之白

谨案右一帖行草六行五十三字

宋祠部尚书防稽孔琳之书【旧列卷三第三十标太常卿又脱之字今移并增改】

日月深酷抚膺崩叫心肝分脰寻绎懊懣触感陨絶孤思悵悵自郡地穷当奈何不孝奈何念痛悼难胜得去月二示知君所患故尔不差甚有幽悵热盛比复何似想已转佳眠食极胜也善将治之孤子并疾患叹具恨恨脚中转剧近明防未觉益懣顿何赖扶力迷甚不次孤子孔琳之奏顿首

谨案右一帖行草十一行一百十三字

宋郢州刺史南兰陵萧思话书【旧列卷四第五误梁时人但标名今移并增改】

一月三日思话白节近説寒切足下复何如比何一涉道久当诸恶耶示告望近吾所患犹尔思话白

谨案右一帖草书四行三十九字

宋防骑常侍陈郡谢庄书【旧列卷三第九误晋时人但标名今移并增改】

弟昨还方承一日忽患闷当时乃尔大恶殊不易追企恒想诸治昨来已渐胜眠食复云何顷日寒重春节至居患者无不增动今作何治眼风不异耳指遣承问谢庄白呈左仆射

谨案右一帖草书七行六十九字

齐侍中琅琊王僧防书【旧列卷三第三十一今移】

臣僧防啓刘伯寵陶瑾称勅二岸杂事悉委臣判圣恩罔已獎使入效斯实臣下驱驰至愿且职事所司不应多陈虽奉今旨臣岂敢于外下意不先上闻正当罄率管见令官长啓审可否之宜防须恩裁此乃更乱天听或致烦壅且得仍旧以待能者恐于事体二三惟允伏愿少留神照察览所啓非敢辞务惧尘圣化谨冒输请伏追震忤谨啓

谨案右一帖楷书十二行一百三十二字今附録

臣僧防啓南台御史谢宪乃堪驱使臣门义旧粗事所悉统内新故杂米数十万斛实须督切宪今请假在此臣欲折以统摄庶得速辨其频经督运已有前效谨以啓闻伏愿听许谨啓

谨案右一帖楷书六行七十一字今附録

梁特进呉兴沈约书【旧列卷四第二今移】

今年殆无能十始得此一至沈约白十一月十六日

谨案右一帖草书三行二十字

梁侍中南兰陵萧子云书【旧列卷四第六但标名今移增】

舜问乎丞曰道可得而有乎曰汝身非汝有汝何得有天道舜曰吾身非吾有孰有之哉曰是天地之委形也生非汝有是天地之委和也性命非汝有是天地之委顺也孙子非汝有是天地之委蜕也故行不知所往处不知所持食不知所以天地强阳气也又胡可得而有耶

谨案右一帖楷书六行一百六字今附録

齐之国氏大富宋之向氏大贫自宋之齐请其术国氏告之曰吾善为盗始吾为盗也一年而给二年而足三年大壤自此以往施及州闾向氏大喜喻其为盗之言而不喻其为盗之道遂逾垣凿室手自所及亡不探也未及时以臧获罪没其光居之财向氏以国氏之谬已也往而怨之国氏曰若为盗若何向氏言其状国氏曰嘻若失为盗之道至此乎今将告若矣吾闻天有时地有利吾盗天地之时利云雨之滂润山泽之孕育以生吾禾殖吾稼筑吾垣建吾舍吾陆盗禽兽水盗鱼鼈亡非盗也夫禾稼土木禽兽皆天之所生岂吾之所有然吾盗天而亡殃夫金玉珍宝谷帛财货人之所聚岂天之所与若盗之而获罪孰怨哉向氏大惑以为国氏之重冈已过东郭先生问焉东郭先生曰若一身庸非盗乎盗阴阳之和以成若生载若形况外物而非盗乎诚然天地万物不相离也仞而有之皆惑也国氏之盗公道也故亡殃若之盗私

心也故得罪有公私者亦盜也亡公私者亦盜也公公私私天地之德知天地之德孰為盜耶孰為不盜耶

謹案右一帖楷書十九行三百六十五字今附錄【又按帖中手自所及自列子作目蓋鈎摹之失】

或謂子列子曰子奚貴虛列子曰虛者無貴也子列子曰非其名也莫如靜莫如虛靜也虛也得其居矣取也與也失其所也事之破防而后有舞仁義者弗能復也

謹案右一帖楷書四行六十三字今附錄

梁南中郎將南蘭陵蕭確書【舊列卷四第四標征南將軍今移改】

故以孝事君則忠以敬事長則順忠順不失以事其上然後能保其祿位而守其祭祀蓋士之孝也詩云夙興夜寐無忝爾所生

謹案右一帖草書五行四十九字

梁太子詹事琅琊王筠書【舊列卷四首標尚書今移改】

筠和南至節過念哀慕深至情不可任寒凝道體何如想比清豫弟子羸勞每惡憊弊何理眷請勤御比日未叙遣白王筠和南

謹案右一帖行草六行四十九字

梁交州刺史陳留阮研書【舊列卷四第三今移】

道增至得書深慰已熱卿何如吾甚勿勿始過嶠今便下水未因見卿為嘆善自愛異日當至上京有因道增行所有少字不具阮研頓首

謹案右一帖草書六行五十三字

書法盛于晉代羲獻而下不乏名家江左相沿彬彬具在此卷自法防以逮齊梁舊多躋駁陳逵為晉西中郎將而誤冠陳朝薄紹之蕭思話謝庄皆劉宋文人而薄則標唐蕭則標梁謝則標晉時代之不知尚足與論世乎劉瓌之孔琳之王曇首俱脫末一字沈嘉字長茂而誤作嘉長增減任意曾不一加詳審陋且妄矣又蕭確一人孫愷謂是梁邵陵王子黃伯思謂是齊豫章王孫考梁書載確工楷 當從孫說王着標征南將軍則由南郎中將而誤也劉穆之當典午之季心在彭城大觀改標宋而仍具晉官未為至當考穆之始從霸府征辟后以不預九錫推奉忧懼致死事與荀彧相類曩曾評鑒斥為小人徒自若夫穆之仕晉至尚書左仆射其死

尚在义熙年宋初虽加增县公已非身受今书晋而备其官所以媿夫儻爵禄而懷貳心者其罪固与王敦桓温之身为戎首有间犹当殿之东晋诸臣用示以义进退之权衡至若王昙首沈约在晋宋齐梁之际身事两朝从其所终之代诛贬太公与史鉴同为炯着耳御识

释文订异

王珣书何如上一字姜夔作寒刘次庄顾从义俱作即日二字玩草法当是寒字又就弊从姜释刘作能顾作服一作秋存疑

王珣十八日帖比二书从顾从义释刘次庄作以又比可不从姜夔释顾作以何如帖得书下一字姜夔刘次庄顾从义俱作至王防作慰谓是笔快偶圆转文义较至为长从之又末一字姜作具顾作亦具字较近从之玩力书不次应是书末语今转加于王珣顿首之前而吾具语亦未了似原帖或有脱简存疑欲出帖亟尽从黄庭坚释王防云月小尽也姜夔顾从义作亟遣又临出从刘次庄释姜作飡顾云按书法当作限非又王家从姜释一作敬非又敬报之敬姜作前刘顾俱作相防云当是敬字笔驶少折义较优从之

王廙书分割从刘次庄施宿释顾从义作瓜又遣下一字施作悲或作慰草法俱不合悲字义较近姑从之

张翼书赖郎从顾从义释赖刘次庄施宿并阙郎刘作卿一作即义俱未安姑释以俟考又比何如姜夔作以顾同玩文义当是比字

王循书詹从姜夔释顾从义作遮一作旧玩草法遮旧俱不合惟詹字为近但名下加詹于文义无据考晋书贺循应詹同时为太子舍人或二人联名具札钩摹者不加深考妄以王循当之又于帖末署名率加王字宜其滋米芾之疑也今标名仍从旧附订于此又不尽从顾释姜作不宜

刘瓌之书顿首顿首从姜夔释顾从义阙下顿首二字空格不释又末阳从顾释姜作朱阳

陈遶歲终帖白从刘次庄施宿释顾从义作百非又足下从顾释盖两字合一各借一笔耳羊欣帖亦然伯礼帖讯从陈与义释又兄从王防释云是笔驶

多一折顾从义作足非又介从施宿释顾云𡗗之省也又遣从顾释或作进又愿付亦从顾释又令顾作今往刘次庄作佳顾作使玩文义当是令往防云此帖模糊多误兄介遣令往谨六字皆有失笔良然谢璠伯书比来从姜夔释刘次庄作此非

谢发书未知从刘次庄释顾作未欲

刘穆之书亦知从姜夔释顾从义作所欲非又官亦从姜释顾作故非又更律亦从姜释顾云

华本潘本俱模糊惟顾本不损又啓从顾释姜作昏

王敦书悲下姜夔及顾从义作意不应多上一曲施宿分作今邑王防作邑邑于文义亦未合细玩草法似是之意二字之字借上笔成字犹陈達帖足下合笔耳

桓温书还节从姜夔释云温使人送旌节还台较顾从义逐节为胜又都督从顾释姜夔作相问答刘次庄作相具答俱不甚合又复治庶意亦从姜释云不复有意治军政民事也义亦通复顾作使一作护治庶刘作治度顾作酒席俱不可解

王昙首书差可之可从姜夔释施宿作耳又请示从顾从义释刘次庄作清和又所宜亦从姜释顾云当作亦宜非又令从施释顾作合又俗从姜释顾作从帖内增字土旁有缺笔末首字画亦微阙刘作答误薄绍之书周旋从顾从义释一作同于非又甚下一字顾阙施宿作得王防云何焯谓是须字摹失文义笔法俱相近从之又当字从顾释防云亦摹误又临舟顾释作临丹义难通按字从两 则是舟而非丹矣

孔琳之书郡从姜夔释顾从义作羣非又穷亦从姜释顾作最非又知君亦从姜释君顾作良又患亦从姜释王防作惠非又幽悒亦从姜释王防云当是悲悒又叹具从顾释施宿作叹叹非又恨恨从黄伯思释姜亦同顾作悒悒黄又以恨恨至觉益十二字偏小云是行侧注字摹帖者妄以入行存考又迷甚亦从姜释甚刘作反顾作亡俱非又帖末顿首上姜顾作奈何一合作等字草法俱不合玩字体是奏字古人于朋友通问亦称奏记姑释以俟考

萧思话书寒切从顾从义释刘次庄作言切又望近上二字顾作少首或作小告俱不可解似是示告示字缺上笔耳又末思话字钩摹亦失

谢庄书一日从姜夔释刘次庄合一日二字作间非又怛从顾从义释姜作恒字体不合又诸治从姜顾释又昨亦从姜顾释又顷从顾释姜作顿一作须又增从施宿释顾作憎笔法亦不合

沈约书殆无能从王防释刘次庄作约垂离顾从义作殆差故又十始得此一至十刘阙顾作尔一至刘施阙顾作事至草法文义俱不合作十作一字体较近且可得解以乙为一则古人通用耳存考

乾隆三十四年岁在己

丑春二月奉

敕校正宋淳化阁帖初

搨模勒上石

【谨案第八卷共三十三帖一百九十四行二千六十四字】

钦定重刻淳化阁帖释文卷八

钦定重刻淳化阁帖释文卷九

陈至唐人法帖

陈永阳王伯智书【旧列卷一第十九今移】

热甚汝习读为劳吾疾劣遣不具伯智疏

谨案右一帖草书三行十六字

寒严比气力何似仆疾劣甚情想遇今信防此不多陈伯智疏

谨案右一帖草书四行二十四字

陈巴陵王叔慎书【旧列卷一第十八误长沙王叔懷今移改】

云须 吾既不司此行极是园中梅始发既无工力治未花之与 今付此不多叔慎答自足
何用此花

谨案右一帖行书六行四十字

陈释智永书【旧误入王羲之帖列卷七今移出】

承足下还来已久别欲参慰为染患不能得往问眷仰情深岂此委具乙两日少可防冀言展
若因行李愿存故旧今遇贤弟还得数张纸劳动幸不怪耳谨此代申不具释智永

谨案右一帖草书十行六十八字

隋释智果书【旧列卷五第十一今移】

梁武帝评书从汉末至梁有卅四人王僧防书犹如扬州王谢家子弟纵复不端正奕奕皆有一
种风气王子敬书如河朔少年皆充悦举体沓拖而不可耐羊欣书似婢作夫人不堪位置
而举止羞澁终不似真阮研书如贵胄失品次不复排突英贤王仪同书如晋安帝非不处尊
位而都无神明殷均书如高丽人抗浪乃不有意气而姿顏自乏精味徐淮南书如南岗士大
夫徒尚风轨然不寒乞陶隱居书如吳兴小儿形状未成长而骨体甚峭快吳拖书如新亭伶
父一往似扬州人共语语便恣出柳产书如深山道士见人便欲退缩曹喜书如经论道士言
不可絕

王右军书字势雄强如龙跳天门虎卧凤阁故歷代宝之永以为训

蔡邕书骨气洞达爽爽如有神力程旷平书如鸿鹄弄翅颀颀布置初云之见白日萧思话书如舞女低腰仙人啸树李镇东书如芙蓉之出水文彩如镂金桓 书如快马入阵随人屈曲岂须文谱范懷约真书有分草书无功故知简牍非易皇象书如韵音绕梁孤飞独舞孔琳之书如散花空中流徽自得李岩之书如镂金素月屈玉自照薄绍之书如龙游在霄繾綣可爱秦狱吏程邈善大篆得罪始皇云阳狱增减篆体志其名名其书目 也

扶风曹喜后汉人不知其官善篆及 篆等少异李斯见重一时耶钟司徒书字有十二种意外巧妙絶伦多奇崔子玉书如危峰阻日孤松单枝邯鄲淳书应规入矩方圆乃成师宜官书如鹏翔未息翩翩而自逝梁鹄书如龙威虎震劒拔弩张张伯英书如武帝爱道凭虚欲仙衛恒书如插花舞女援镜笑春索静书如飘风忽举鸞鸟乍飞钟繇书如云鹤游天羣鸿戏海行间茂密实亦难过耶

谨案右帖五段行楷共四十九行五百六十九字

唐秘书少监越州虞世南书【旧列卷四第九今移】

世南闻大运不测天地两平风俗相承帝基能厚道清三百鸿业六超君壽九霄命周成算元无之道自古兴明世南

谨案右一帖楷书五行四十五字今附錄

世南从去月廿七八率一两日行左脚更痛遂不朝会至今未好亦得时向本省犹不入内冀少日望可自力脱降访问愿为奉答虞世南谕

谨案右一帖行草六行五十四字

贤兄处见临乐毅论便是青过于蓝欣忭无已数愿学耳世南近臂痛废书不堪覩缕也虞世南呈十三日遣书谨空得书为慰可言也

谨案右一帖行草八行五十二字

疲朽未有东顾之期唯增慨叹今因使人指申代面必得力也

谨案右一帖行草四行二十四字

郑长官致问极真而其三人恒不荡荡将如何故承后时有所异责

谨案右一帖行草三行二十六字

潘六云司未得近问莫耶数小奴等计不日当有状来

谨案右一帖草书三行二十一字

唐太子率更令长沙欧阳询书【旧列卷四第十但标率更令今移增】

贞观六年仲夏中旬初偶诣兰惹猥辱见示诸家书徧得看寻可以顿醒滞思各甚嘉妙今昔孰为比肩至于兴叹耳珍珍重重因书此叙于其后渤海郡率更令欧阳询记之

谨案右一帖行书七行六十七字

静而思之胜事莫复过此气力弱犹未愈吾君何当至速附书必向饶定须寄信立具欧阳询呈

谨案右一帖行草四行三十七字

五月中得足下书知道体平安吾气力尚未能平复极欲知君等信息比忧散散不可具言不复欧阳询顿顿首首

谨案右一帖行书五行四十四字

足下何当定返还人望示心曲永嘉书处定难以为其心也

谨案右一帖行书三行二十三字

比年守疾病无事絶心气至于书处焉并昔时既言必求然显数字岂能备矣须将示之十五日欧阳询谨案右一帖行楷五行四十字今附録

吾自脚气数发动竟未聴许此情何堪寄药犹可得也

谨案右一帖行草三行二十一字

唐中书令钱唐褚遂良书【旧列卷四第八不纪时代今移增】

潭府下湿不可多时深益愤頼况兼年暮诸何足言疾患有增医疗无损朽草枯木安可嗟乎自离王畿亲故阻越每思宿曩宁喻于心承汝立行可暮出言成轨迁居要职擢任雄台闻之嘉声增以羡慕更得汝状重美吾诚因奏事闲方便在意徙居此土深成要佳汝悉也五月八日舅遂良报薛八侍中前

谨案右一帖行书十二行一百十八字

家侄至承法师道体安居深以为慰耳复闻久弃尘滓与弥勒同龕一食清斋六时禅诵得果已来将无退转也奉别 尔逾卅载即日遂良须鬓尽白兼复近歳之间婴兹草土防雀之志触绪生悲且以即日防恩驱使尽生报国涂路近止无由束带西眺于邑悲罔更深因侄还州惨塞不次孤子褚遂良顿首和南

谨案右一帖行书十三行一百二十一字

山河阻絶星霜变移伤摇落之飘零感依依之柳塞烟霞桂月独旅无归折木叶以安心采薇芜而长性鱼龙起没人何异知者哉褚遂良述

谨案右一帖行楷五行五十四字

唐太子司议郎吳郡陆柬之书【旧列卷四第十六标东宫长史今移改】

近得告为慰上下无恙恙不得吳兴近问悬心得药书散势耿耿尝也

谨案右一帖草书四行二十七字

唐广平太守东海徐峤之书【旧列卷四第十五标洛州刺史今移改】

春首余寒惟阁梨动止安隱弟子虚乏谬承荣寄防恩獎擢授洛州一歳三迁自南徂北既近都邑忝窃弥深战惧之情慙惶据便即只命末由顶谒瞻望山门但增凄断愿珍重忿忿不宣弟子徐峤和南

谨案右一帖行草八行七十八字

唐諫议大夫钱唐褚庭海书【旧列卷四第十三今移】

辞奉后不辱问实增驰系初寒惟动履休胜庭海推前耳未由拜展悠悠下情惟珍厚人信惠问通法师往谨附状不宣谨状

谨案右一帖行书五行四十八字

唐礼部尚书汾陰薛稷书【旧列卷四第十四标尚书郎今移改】

孙权与介象论脍象以□鱼为上权曰此出海中安可得象乃庭中作埒置水投以钩饵不经食得□鱼付防

谨案右一帖行楷四行四十二字

唐北海太守江都李邕书【旧列卷四第十二但标名今移增】

三数日晴顿热若为自适也仆少理欲使小儿入京当从澧州去有书不示之诸公叹赛无九百之事当不复爽也故使驰问不具李邕白十二日差无多事检按来一言集耳通长孙五郎

谨案右一帖草书九行七十二字

唐将作少监赵郡李阳冰书【旧误史籀李斯列卷五第四第五今移改】

歙州裴易德系

谨案右一帖篆书二行六字

田畴耕耨为政期月而致法令使父子为邹鲁

谨案右一帖篆书四行十八字

唐校书郎广平宋儋书【旧列卷五第七但标名又不按时代今移增并改】

自一接拜情同弟兄沈吟缅怀固非小子之所勤及也策质前谢恐乖昔贤共弊之道晦事勿语且絶诗人匪报之实迟徊循軀倘俛未已殆将有辰矣足下多可不恠高情内含如筠斯清比蕙又暢儋不以感气厚而修诈自广不以抚己多而私颂作德未致力谢驰懷宣书何陈万一也悚息今秋尽野外草木变衰长郊萧条风物凄紧清都久客莫复相亲足下退食公庭睡罢私室栉沐晞景收视解聽岂念歲华不待厌倦为旅之士哉顷者酿玉初令 丝正调竟欲左携郑君幽指药妙右对董叟高谈道微情酣世忘浩去尘糝思足下能顺试实其事为何如哉时间真声迴闲笙鹤此复异于人境耳可以息宴可以啸歌久不间然期今日之事也倚候骑气自豫光临幸甚谨驰疏不得具宋儋白

谨案右一帖行草二十一行二百六十九字

阁帖署名有不考帖字而误者陈书载巴陵王叔慎长沙王叔坚王着讹读慎为懷妄附长沙封爵有不顾帖字而误者代申帖明标智永而入之右军卷内有膺古而误者李斯书十八字乃李阳冰篆王密所撰河东裴公纪德碣之文而史籀书六字亦碑额中事顾以溷托周秦不值一噓有昧古而误者宋儋当唐开元时有嵩山圭禅师等碑乃不纪时代上厠斯邈其失考实甚黄伯思秦观楼钥辈后先刊駁确有据依今悉于卷中改正至智果书五段前后叙次防差大观合为一通亦殊未当其书评或以为梁武或以为袁昂迄无定论考墨池编载武帝书评三十七人与此正同惟字句小异特首云三十四人而帖中重出曹喜钟繇又增程邈实只

三十人耳其布字大小不伦或谓之子母体然古不经见且不应狂怪乃尔细翫书迹真行草章无一不备其中复字笔势略相似疑亦圣教序之类集书为之者若山河一帖乃集褚书枯树赋字而成但别出星安性哉四字而帖尾褚遂良述又集书者妄增因从右军行成帖例移置河南简末御识

释文订异

陈叔慎书极是二字从刘次庄释顾从义云是字疑又园字与 之 皆摹失又叔慎从史考正顾作叔懷非

智永书别从姜夔释一作子非顾从义作早又智永从刘次庄释顾同邢侗云是智果非

智果书自乏从袁昂评书订正顾从义作足非又风軌亦从袁订按字书軌与范同姜夔及顾俱作軌非又吳拖从顾释王澍作施又经论之论言旁甚明顾作纶非又懷约从顾释一作均非又志其名之志从姜夔释顾作忠蓋因上画右旁钩摹连笔之误又援镜之镜因避宋讳缺末一钩大观全又索静顾云当作靖静靖古通用

虞世南去月帖率从顾从义释王澍云当是牵字体虽稍合而义不可解又两日亦从顾释或合两日二字作曹非又望可从施宿释顾作耳非 贤兄帖学从顾从义释刘次庄作孝非王澍云当作存而深辨草法与学不合备考又耳澍云当是之义亦通
东顾帖得力从王澍释顾从义作公力或作卿力于文义皆不甚可解
郑长官帖恒从顾从义释刘次庄作垣非

欧阳询兰惹帖兰惹上一字顾从义释作诸义不可解按字体似诘而文义当是诣盖钩摹少失耳因释作诣存考 静思帖定须从刘次庄释施宿作愿顾从义云当作顷又立具从顾释刘次庄合二字作意足下帖何当从顾从义释一作尝

褚遂良潭府帖足言从刘次庄释顾从义云当作去意于义难通又汝状之状从顾释或作兆非又重美二字顾释脱去 家侄帖 即倬字从顾从义释按倬本作儵一作獠误 山河帖折从顾从义释徐峤之书止从王澍释云偶多一画顾作正非薛稷书□□二字不载字书顾从义云二字一义恐通用殊未必然按二字三国志俱作𩇛音兹□□二字盖作书时偶未经意之误

李邕书欲使之使从顾从义释钩摹微误按十二日以下似另一帖而帖末语又似未了者因无可考姑仍旧

李阳冰敕州帖敕从王澍释顾从义云碧落碑有唐之唐正与此同但顾竟释作唐亦自未可刘次庄作杨施宿作剔俱非

宋儋书且絕之絕从刘次庄释顾从义云当作纪非又不得具从顾释王澍云当是不复一一
笔驶直下故有似得存考

乾隆三十四年岁在己

丑春二月奉

敕校正宋淳化阁帖初

搨模勒上石

【谨案第九卷共二十八帖二百一十五行二千零二十四字】

钦定重刻淳化阁帖释文卷九

钦定重刻淳化阁帖释文卷十

唐人及无名氏法帖

唐左率府长史吳郡张旭书【旧列卷五第十六但标名今移增 旧二帖今归入张芝四帖】

足下晚复不知疾痛如何深极忧难比也上下安之必得发耶

谨案右一帖草书四行二十四字

得足下十五日问为慰仆前患差张旭书

谨案右一帖草书三行十六字

知汝殊愁且得还为佳也冠军鬪畅释当不得极踪可恨吾病来不办行动潜不可耳

谨案右一帖草书六行三十三字

终年纏此当复何理耶且方有诸分张不知比去复得一会不讲竟不竟可恨汝还当思更就理一昨游悉谁同故数往虎丘不此甚萧索祖希时面因行药欲数处看过还复共集散耳不见奴粗悉书云见左军弥数论聽故也

谨案右一帖草书十六行八十七字

今欲归复何适报之遣不知总散佳并侍郎耶言别事有及过谢忧勤

谨案右一帖草书五行二十七字

二月八日复得鄱阳等多时不耳为慰如何平安等人当与行不足不过彼与消息

谨案右一帖草书五行三十二字

唐太子少师京兆柳公权书【旧列卷四第十一标諫议大夫今移改】

圣慈允许守官稍减罪责犹深忧惧续冀面言不一一诚悬呈卅弟处十四日敬空

谨案右一帖草书五行三十二字

伏审姊姊八月定发弟与廿八弟同从行遠闻不胜扑跃今日元七来望弟速到极也愿在路

谕闻不停滞幸甚未即展豁尚增悵悵不一一公权呈廿三弟廿六弟廿八弟卅弟处卅一弟
意不殊前要小楷后使送往空

谨案右一帖行草十行八十四字

奉荣示承已上乞惟增庆悦下情但多欣愜垂情问以所要悚荷难任悦有赤箭时寄及三五
两以扶衰病便是厚惠不具公权状白

谨案右一帖行书六行五十一字

至十六日專到崇贤惟昭察谨状十五日公权状谨案右一帖楷书二行十九字今附錄

辱问却送及碑本兼虚獎逾涯但深反侧因见赵张如虚獎之说为緣饰也幸甚不具公权呈

谨案右一帖行书六行三十六字

唐释懷素书【旧列卷五第十五今移】

右军云吾真书过钟而草故不减张仆以为真不如钟草不及张所为世之所重以其能懷素
书之不足以为道其言当不虚也

谨案右一帖草书七行四十九字

无名氏书【第一第二两帖旧列卷五标何氏书第三第四第五第六第七第八六帖旧俱列
卷五标古法帖第九帖旧列卷十第十帖旧列卷九第十一帖旧列卷十俱误标王献之书今
并移改 又古法帖内有两帖与献之书复今存其一删彼卷重出者其一则删此而存彼】

投老残年西崦已逼恒虑儻忽归骸元壤湔尔冥灭竟不一言以此在懷预为其备于兹路惟
有凭心他余不能有益年将八十可以意求欲望长存何可得也道大难俗情见善从善如登
见恶行恶如崩必须策怠惰勤精进爱日惜力乃可获耳吞声饮气不劳顿尔他便生异议速
自详答取竟勿滞留也十六日

谨案右一帖行草十三行一百二十字

去留深情故当取尔余散辈停歲积故切思归三月下旬还非賒冀叙不遥南路行乃寂絕伤
心

谨案右一帖草书五行三十七字

知贤弟至舍晚寒想顾之伤叹遂尔永惟痛寿春富阳范道长体气以小胜前日得此暑大都防常新妇书寄物示诸人散骑二君何时还兄子皆佳能数为也

谨案右一帖行草八行六十一字

既移屋近西 微援里地成大寬援里起小三架如步廊政可一丈梁得使二家通出入作门閣也此屋之东故应作墙直步廊一壁太单空园中弥宜移三间屋故当不甚难重复粗画图如别耳

谨案右一帖行草十一行七十五字

足下既有意适闲旷亦当忘暑耶游瞩疎数慰对者卿少吾今年病垂了始小差大小今床疾愒忽移日耳每每深望遠言慰尚賒慨然元昌寄与音介勿勿书复既与直人理畧絕何缘复有周旋理长史断阔亦不减卿唯公事时相瞻望耳吾面信遂至今不着不可解计至故应必有香但不知好恶云何耳须得

谨案右一帖草书十七行一百二十字

敬祖日夕还山陰与严使知闻颇多歲月今属天寒拟适遠为当奈何奈何尔岂不令念姊遠路不能追求耳

谨案右一帖行草五行四十二字

孤不度德量力欲俟义于天下而措术浅短遂至昌蹶然至于今日志犹不息君谓计将安出

谨案右一帖章草五行三十六字

亮曰董卓已来豪杰并起跨州连郡不可胜数曹操比于袁绍则名微而众寡故能尅绍以弱为强今日拥百万之众协挟天子而令诸侯诚能不可与争锋也

谨案右一帖章草八行六十一字

孙权据有江东以歷三世国险而民附贤能为用斯可与为援而不可图也益州天府之地高祖因之以成帝业荆州北据汉河利尽南海西连巴蜀东通吳会此用武之国而其不能治天所以资将军将军既是帝室之胄信义着于四海来之大国诚难至也

谨案右一帖章草十行九十九字

元度时往来以此为慰兴公使适还数日具都下问人情所忧良可叹息诸吳数问龄前来经

日极为差云仁祖欲请为军司不知行不

谨案右一帖草书八行五十二字

元度何来迟深令人忧悬耶常复有理因祠监多感足下事甚善然所造极难想足下每思先后卿岂须言亲亲不已意耳安石停此过半日犹得一宿何物喻之一十当浦送近道所以致叹阳诸懷儿不可言且不复得卿送有诸叹今此奕上道

谨案右一帖草书十三行九十四字

淳化四年四月二十八日当直中使就院赐御札八分千字文一卷法帖一十卷受恩如是激节可知乙卯闰六月十四日太一宫齐晚临南轩看

谨案右跋行楷四行五十六字行间押公高之裔印

苏氏家藏子容题

谨案右题行书一行七字

右法帖十卷得于呉兴苏氏乃元祐丞相魏公家第八卷后用公高之裔印盖言毕公高之后也余假守濡须郡斋刊魏公谭训内载公于相国寺得毕文简赐本阁帖甚奇且云文简以晁书斥远祖名未中礼因考实录淳化二年文简自考功郎拜学士四年五月出知升州然则乃文简在翰苑时所赐也李洪德秀谨题

谨案右题楷书七行一百二十三字前押晚翠堂印末押李氏叔固李氏家藏二印

宋搨第一真迹【丙戌王铎薛所蕴】同观北海孙奉常家藏谨案右题二行二十二字首六字 书余行书上有晋府书画之印下有北海孙氏珍藏书画印

苏公名颂丹阳人祖居泉州南安父绅葬丹阳因家焉元祐中拜相史称其器局阔远虽贵奉养如寒士尝于相国寺得毕文简公赐本阁帖载所着谭训中后题苏氏家藏子容题笔法大似眉山丁酉正月十四日记

谨案右跋行楷六行八十三字末押北平孙泽退翁二印

张旭前二帖姜夔谓其非贗亦非合作论最平允大观合为一帖标作隋僧智永岂未审帖尾旭自书名耶后二帖旧误作张芝其笔势纵逸是长史而非伯英因从米芾说更定公权圣慈帖人以其末署诚悬而不名多疑其伪伯思据右军敬谢帖自称逸少以证之况此乃与其弟书固不妨以字行耳阁帖第五卷一标何氏书两标古法帖何氏犹言何人长睿之说极当古

法帖则本逸其名因改标无名氏书以殿全编黄以投老二帖类欧阳询姜以贤弟帖类王献之米以移屋二帖类羊欣皆出臆说未可泥从也敬祖鄱阳二帖复见子敬书鄱阳帖当属之大令因删此以就彼敬祖乃王导子武冈侯协非子敬同时与元度两帖正相似曷若阙疑之为愈乎孤不度德量力以下三帖皆诸葛亮传中语章草并同顾或作古帖或标献之尤为失考今悉订正归一其毕士安识语为兹帖权舆苏颂李洪王铎孙承泽诸题跋亦源流可溯并命摹勒帖后用示传信御识初搨曾经赐文简流传七百七旬年无双善本教重泐有数吉光幸独全并弃书轩兹数典非关治道彼称贤由今视昔徒佳话义具兰亭序一篇

重摹淳化阁帖成因并弃毕士安原本于淳化轩诗以志事壬辰夏御笔

文轩题榜因名帖石墨镌华胜昔年

鉴古一空流派濶【淳化帖后惟大观刻本最佳然考订不精不详而钩摹亦稍失古意他若绛帖潭帖鼎帖之类支派益岐流传更无善本此帖颁行众搨当如爝火之息矣】订譌都奉

品评全【王着排次标题讹误不可倭数今悉经订正并于每册后各系御识举示大概】憾无毫发超淳化信有权舆赐集贤【今所摹刻宋搨初本乃毕士安为翰林学士时得赐者】荣甚陈刘事音释【宋陈与义虽奉勅校释阁帖未得镌石并传其后刘次庄辈各有释文皆自着専行亦非官本臣今承命音释附列帖中实为荣幸】只惭未熟佩觿篇

【臣】于敏中恭和

释文订异

张旭晚复帖复从顾从义释刘次庄姜夔俱作后十五日帖前字画旁多一曲疑是钩摹之失冠军帖辨从姜夔顾从义释辨当作办古通又不可从姜释大观合二字作处字义虽较优但笔踪牵附增改究失本真不若仍从其旧顾谓是王着误摹王澍谓着本摹作潜处后人以纸幅短妄分存以备考终年帖复从姜夔释有作治字者非又比去从顾从义释姜作以去又讲竟不竟俱从施宿释姜作忘顾作意俱难通又一昨从姜释顾云一本合二字作所似于草法未合又数处下空顾云不能容看字故提头又弥数从顾释王澍作弥若存参欲归帖遣从顾从义释姜夔作追字体不类又不知亦从顾释姜作不具又佳并从姜释刘次庄释同顾释作往佳且以为刘闕释俱非又勤字似勒王澍云是笔驶少一折论似确

柳公权圣慈帖敬空顾从义作问王澍谓空字失下半说较合从之伏审帖元七从顾从义释一作元叔非又展豁从朱家标释顾作割非又恨恨从顾释按玉篇恨恨惆怅也或作恨恨非又后使从刘次庄释顾云后当作复使一作便俱非又帖末一字朱家标释作耶顾云一作言体皆不类王澍以为当是空字云唐宋人书帖多有之其说为长因从之

无名氏书投老帖策从姜夔释顾从义作荣非又不劳亦从姜释顾作身非又取竟亦从姜释

草体应如此顾以为疑何耶又他亦从姜释陈与义作地非去留帖取尔从王澍释草法较合刘次庄姜夔释作所又思归从姜释顾从义作忽归非 晚寒帖以从姜夔释以与己古通王澍云当是似字笔驶省一折存考又兄子亦从姜释顾从义云兄一作允非 移屋帖□考字书同蔷薇之薔姜夔释作墙非又援姜云与园同顾从义训作栏王澍以本帖下园字正作园此援字当如顾解按栏为阶际句栏及牡丹芍药称栏之类其内安得有余地起屋考毛诗郑风疏园者圃之蕃齐风疏樊圃之樊训为藩尔雅释言疏圃外藩篱谓之园而周礼太宰疏亦有园其藩也之训是援与园同正当作藩篱解下文园字乃同义而体互见毋庸拘泥也且谢灵运田南树园激流植援诗有插槿当列墉句更可为援即篱之证又直从施宿释刘次庄作宜非又空从姜释顾悞作恐又画从姜释刘作尽一作昼俱非 闲旷帖忘暑从姜夔释刘次庄作恶暑非又慰对从顾从义释姜作至又者卿者从王澍释卿从姜释又垂下一字澍作了刘姜俱作耳施宿云与下文耳字草法异似澍说为长从之又今床今从姜释床从澍释姜释作度草法不类刘释作会使可疑又每每从刘姜释施作每日非又昌寄与音介昌从施释刘作过寄与从刘释姜以昌寄与三字作日具问可令五字顾作昌之问可令音介亦从刘释音顾作晋介一作分俱存考又勿勿从姜释姜据颜氏家训引说文云忞遽者称勿勿又引祭义注勿勿犹勉勉也或作忽忽又作忽忽皆不及姜训之合又与直与从刘释姜作即直从姜释刘作宜又略絶从刘姜释施作略纪非又面信从刘释姜作面促又须得从刘姜释米芾云当作欣白与上一帖皆羊欣书按帖卷八内即有羊欣书其结体及署名与此皆不类未足为羊书之据惟须得二字语意未了其下或尚有脱简盖此帖难考处甚多或笔驶未完或钩摹稍失其诸家互异者皆未能确切可信不得不存疑俟考耳

敬祖帖使知从刘次庄释顾从义云唐摹一本作君文义为优而草法不合 度德帖俟从姜夔释顾从义因史文作信遂以俟为古伸字非又措术诸释皆同史作智术又君谓亦从姜释顾作若 亮曰帖曰从姜夔释史文正同刘次庄施宿作白非又桀与杰同此字钩摹有缺又袁绍从刘姜释顾从义作表虽字体相合与史文异岂表谓刘表作书者别有据耶存考又协从刘释史文无此字或是笔误衍文又与从史文及姜释刘作久非又峰从顾释施云与锋通用 江东帖以歷之以与己通又尽从刘次庄释一作逮又西连帖作武用武帖作连俱有史文可据盖摹刻时倒置也又着从刘释玩字体类若但与史文不合未可改易来之大国八字诸葛传所无王澍以为亦如帖首七月二日献之白七字俱妄人所加但此句无甚关碍仍存其旧 往来帖诸吳从陈与义释刘次庄作从 来迟帖令从顾从义释刘次庄作足又常复从王澍释顾作当谓又卿从黄諫释顾作公非又半日从刘释黄作已又喻亦从刘释顾疑作呱非又一十亦从刘释字画虽似而义难晓顾合作早亦非又送从顾释黄作道又近亦从刘释施宿作迎非又叹亦从刘释黄作□澍从之疑是邑旁少折又奕从黄释顾作贪亦不甚合此帖字体可疑文义难解者颇多或当时排次脱讹或上石钩摹舛缺俱无可考证姑就诸家音释中择其近似者録之仍识以存疑

乾隆三十四年岁在己

丑春二月奉

敕校正宋淳化阁帖初

搨模勒上石

【謹案第十卷共二十二帖一百七十八行一千二百八十七字】

欽定重刻淳化閣帖釋文卷十

跋

淳化阁帖自唐以上名书大备昔人称其精神完足樛勒逼真为诸家法帖之冠顾初搨传世絶尠而后来翻刻支派纷岐去之愈远大观帖世所推许而孙承泽尚谓逊淳化朴气他无论矣至若初本之为石为木论者断断莫定考王应麟玉海云淳化初求先贤墨迹为法帖十卷命工勒石与帖尾所识上石者正合夫曰上石则非木板可知人或泥于欧阳修集古録镂板语转相傳会若枣木板银锭之说不一而足甚而赵孟頫以为题曰上石其实木也云云尤鑿于理复何庸深辨乎又太平兴国时因诏搜访图书诸州各有所献而升州则献王羲之献之及桓温等十八家石版书迹此帖未尝不有所取资好奇者遂以南唐升元帖为淳化祖刻抑亦凿矣我

皇上宵旰几余时亲翰墨于古今诸大家临仿都徧

荟美集成尝辑

石渠珍秘镌列贞珉

嘉惠来学三希墨妙两帖海内夙已奉若球璧兹以

淳化阁帖日久湮晦而

内府旧藏赐毕士安本搨法佳妙苏颂李洪诸跋亦征而可信王铎定为宋搨第一顾人罕得觀也爰

命【臣】等排校选匠重钩镌摹不爽秒黍又以王着昧于考古舛谬滋繁米芾黄伯思辈纠而未改大观刻本订而不详重为名帖之累并

勅【臣】等审勘参稽旁及音释每一卷成

上加以折衷次第评隲识诸册后于凡体例世次名系爵里以及误编复出之陋悉为辨改犁然各当工始于乾隆庚寅春二月迄今壬辰夏四月告蒔并仿宋搨法得四百部用广流传于是七百余年之名迹重复旧观而精覈则胜于曩昔又以多而足珍操觚者咸得仰星云之丽诚万世士林之幸而因帖

名轩構廊列石亦淳化刻本之幸【臣】等获以编校微劳缀名简末尤词臣稽古之荣幸云【臣】于敏中【臣】王际华【臣】裘曰修恭跋

【臣】谨案集帖至宋始盛如雪溪宝晋澂堂秘阁诸名传者絶尠独淳化祖刻自南唐升元帖而后镌集最为美富当宋太宗时侍书成都王著名在周越右尤善双钩能斂真本相传智

永千文其所补小字乐毅论即其所书也下此则蔡京所摹大观帖姿媚稍多古意寢失遠不逮矣顾王着工于仿古昧于察书编次既繁所在舛陋当时米芾黄长睿秦观各有專书以纠其失其他见于古今诗文及说部笔记者指摘不胜枚举我

皇上几余游艺时及临池集字学之大成订书流之盘错前此三希堂墨妙轩二帖石渠所辑悉以津逮艺林兹复取

内府所藏阁帖遴其初搨最精者为淳化四年赐毕士安本选工摹勒俾还旧观

特命内廷诸臣于敏中等详加考正

钦定诸家世次分识卷端史论书评相为表里其有

阙疑悉令仍之并

勅搜采诸家释文依字旁注一一析其异同折中至当用嘉惠海内操觚之士刻成砌石于长春园之含经堂后修廊蜿蜒罗列球琳适如其数复

亲洒帝鸿之墨制为淳化轩记发明因帖命名之意而于上法唐虞化成天下淳淳三致意焉一翰墨之考稽而法戒昭然

大圣人即艺见道之深衷有默契乎羲画禹书之表

者矣【臣】以祝

嘏来京防

恩颁示仰见我

皇上阐微往迹则篆真并列发蒙承学斯钩趯不遗若卷首降晋宣帝泊会稽王于臣列春秋大防凜然至鉴裁之精摹勒之妙万世学书者所当奉为绳尺【臣】无庸赘一辞焉【臣】林栖霞齿乐观厥成得挂名于石曷胜荣幸之至【臣】钱陈羣拜手稽首恭跋

总理

和硕誠亲王【臣】允 秘多罗履郡王【臣】永 城

排类

经筵讲官太子太保协办大学士户部尚书【臣】于敏中经筵讲官礼部尚书【臣】王际华经筵讲官工部尚书兼管顺天府府尹【臣】裘曰修刑部左侍郎【臣】钱维城

校对

内阁学士兼礼部侍郎【臣】王杰日讲起居注官詹事府少詹事【臣】彭元瑞日讲起居注官右春坊右庶子【臣】曹文植日讲起居注官翰林院侍读【臣】金士松日讲起居注官翰林院侍读【臣】董诰日讲起居注官翰林院侍讲【臣】沈初广西道监察御史【臣】陈孝泳

监造

内务府广储司总管六库事务郎中【臣】六十九会计司主事【臣】积福

钩刻

恩赐鸿胪寺序班【小臣】常福

【小臣】玛色

【小臣】德福

【小臣】四达塞

【小臣】德寿

【小臣】黎国杰

【小臣】赶生

【小臣】德魁

【小臣】常寿

【臣】伏见我

皇上几余鉴古重订淳化阁帖详加考释正其谬误

于标名排类则见

义例之正于去取释注则见

折中之审允宜勒为成书登之四库且俾承学之士未能仰窥搨本者亦得粗悉崖畧【臣】因按次恭録仍为十卷每帖各识某体几行若干字一条以补向来释帖家所未备其有本属楷书

释文所不及者亦録其本文庶一展卷而可得是帖

之全以为艺林之助并恭摹

宸翰四大字仍冠简端而于

御笔谕防记跋等篇并用聚珍版排印从诸书御笔例也

乾隆丙申年仲夏月朔【臣】金简恭跋